

薛荔山房藏稿

第三卷

七言近體

壽陳松谷相公七十

朱鳳山開綠野堂
錦官秋色淨霞觴
庚星遙燭三台現
紫氣懸依北極光
已自勲庸推國老
更傳經術佐吾皇
蒲輪端為蒼生起
几杖先看賜尚方

麟閣元勲七十春
鳳毛詔許下楓宸
即看玉樹

來溫室還憶金莖賜侍臣
經濟兩朝存蜀草招
携九老識莊椿
八千歲月渠江上
遙指絲綸綵
服新

送左棘卿賈石衢父母雙壽重封

當年解組謝儒紳
惟有雙鷗許自親
一咲酡顏
人共老
更來丹鳳誥
重新滄浪齊
和南山曲
鳧嶧遙看東海春
須信于公門第大
高懸弧
悅慶
恩綸

代傅棘鄉壽謝鳳岐乃堂

春風天上奉鸞章
寶婺回看燭牝堂
菜彩香含鷄舌舞
翟褕光映鳳毛翔
三湘為奏雲和瑟
萬新調玉屑漿
我亦慈萱垂雀髮
願泛蓬海覓霞觴

蒙中丞乃母壽代

法象寒芒動斗躔
指揮閩粵控蠻烟
主恩次第隆三接
慈筭依稀到百年
幕府風清閒戲彩
版

與春煖共朝天漫將異數榮今日八座行歌壽
母篇

為趙監題壽圖

浪傳跨霍上維揚鹿馭空聞啖碧漿誰似溷娑
清禁署居然休沐熬微傍光依日月精華近身
託雲霄沆瀣涼可是長生偏得地醜顏好獻萬
年觴

壽詩

春酒初開瑞旭暉 恩綸兩度下彤闈
梁鴻祗自誇齊案 萊子空傳學舞衣
誰似一堂雙雀鬢 相將七十共牙緋
奉常新製南陔曲 歌向雲山徹紫微

送齊豫沙給諫使淮藩便歸壽母

帝寵親藩據上流 鄱湖風景自千秋
星軺遙向東曹下 畫錦爭誇故里遊
諫草氣凌彭蠡澤 元春度百花洲
懸知寶婺稱觴日 玉節先生海

屋簷詩

贈稠源李夫之歛

明詔獨難司牧者知君賢最親民哉腰懸寶劍
雙龍氣晝撫鳴琴百里才徵賦須憐南國困采
風先向考亭來雲山只尺休嗟別 聖主重瞳
矚九垓

為陳宗堯乃尊題老南卷

南望湖光一淼然碧涵空翠散輕烟扁舟欲避

人間世剗曲行呼地上仙浪跡百年鷗鳥共風
流六代鳳毛傳聞看彩服鳴琴後猶憶滄浪起
莫天

贈劉念山外翰南還

山公啓事舊天曹越水橫經有鳳毛視篆河陽
花滿縣論文碣石氣奔濤自憐歲月重遊地一
咲風塵老戰袍尊酒不須多感慨雄才蚤晚夢
懸刀

送黃儀庭使益藩便歸省母 時典誥勅

草麻日侍絲綸客
五色親裁天語溫
帝謂宗盟藏石室
遙分使節下江藩
八閩雲擁驅前弩
六傳星馳慶倚門
歸到潘輿應蚤御
鳳池染翰獨銜恩

搖珮光生玉節新
楚辭麻草下楓宸
千秋帝子傳元策
當代詞臣第一人
白雲浩歌盱水月
彩衣競舞刺桐春
承歡還憶君恩重
蚤向鑿坡演

鳳綸

送史鶴亭使楚將母歸越

元王朱邸漢江潯有客乘槎自禁林設醴風流
浮鄂渚登高詞賦屬山陰若憐芳樹情何限一
倚南樓興更深况復潘輿歸剡上鑑湖光景足
芳吟

送李汝培按關西

瀛洲三載共抽毫八斗才名爾獨高意氣自憐

吾黨合迂疎寧為世情逃寒生白蘭驚玄草笑
失青山醉濁醪晨夕抗談歡未已那堪秋色上
征袍

使者乘秋下帝京金風搖曳擁前旌觀濤雅有
枚生賦攬轡還高孟博名龍種渡河天水赤烏
孫欵塞玉門清夜來試聽關山曲獨倚銀蟾憶
鳳城

夫笑青驄曙色催丈夫衣繡壯遊哉指揮萬里

清風暢睥睨三原積雪開天府
戢方通絕域漢臣經略枕高臺
只今西北無烽火頓響秦關紫
氣來

燕市胡姬酒滿樓迢迢古路掛城頭
驪駒是處催行色鴻鴈何因與客愁
繡斧先生袞谷曉皂囊氣壓漢川秋
早將封事酬明主併寄相思到舊遊

冲宇丈督醴淮揚便歸奉其太封翁壽觴

贈別一章并以為慶

千金詞賦秘書郎
白簡霜威映皂囊
國計萬年須煮海
軍儲九塞賴通商
風清淮水臨吳楚
月霽邗溝聽櫓檣
况是靈椿週甲子
晝遊共羨慶霞觴

送明府闔立吾之蘄水

長楊早已薦雄文
賜履遙看下五雲
氣湧秋濤淮海濶
帆開曉浪楚江分
縣花閒對庭莎靜
山

東南財賦擅雄圖，天下軍儲仰灌輸。帝謂風
裁推直指，陛辭霜簡動前驅。秋江月色臨吳楚，
春水烟波泛舳舻。若到漕渠堪借箸，不妨封事
贊訐謨。

贈甘子開督饜滄洲

螺川自昔多賢達，節義文章滿禁廬。君以詞臣
兼執法人，泛柱史問藏書。中原氣色行驄馬，東
海澄清擁鷲車。此去岱宗休側望，直携三秀倚

扶輿

登車八使並稱雄攬轡都門競避驄
煮海至今饒大國陳訂自昔表遺風
清漳直拖邯鄲道皂橐全收節鉞中
柱下更須彈壓重蚤還封事荅宸聰

贈張治禎明府之宜城

傳經三禮推高第綰綬雙鳧出尚方
自是神明堪物色謁來江漢有輝光
巴川西下通巫峽漢

水東流撼岳陽若過習家池上醉應憐病肺獨
淒涼

周啓明有齊之役便且過楚時病告不能

赴別詩以代面

聖主無私少府錢仙郎畫省獨推賢驅車白日
辭燕市弭節青齊接楚天輦逐南鴻鄉國近亭
園北閔故人憐習池風景依然似水部詩名豈
浪傳

長安聚首無多日病色卽堪問別離官柳欲攀
驚歲晚朔雲不盡戀行遲高關曉度寒雞曙漢
水初遊畫錦時起草明光應有待含香早得慰
相思

別楊貞復予告南還

三年載筆謁承明休沐銜恩下帝京
暫許草玄辭玉署未緣病肺乞金莖
羅浮月色千山曉廬橘秋香萬斛清
此際若憐朋輩在長安砧杵最

關情

談天碣石舊雄才，獨抱玄經落上台。
五兩輕隨南海去，羣峯來薄水簾開。
雲山不用頻回首，桂酒還誰共引杯。
莫厭承明勞侍從，文園蚤謝到金臺。

奉詠 宣宗皇帝畫驄應制

天閑神駿五花驄，聖祖親標長格雄。
回首玉階非戀棧，竦身金闕正行空。
權竒疋練生精彩。

蹀躞連錢動肉駿遙想
翠華巡幸日幾驟秋
駕振遐風

奉詠商喜畫駟應制

西來天馬紫駟畫史猶傳逸氣殊
帝寵光華飛赤汗
主恩容與足青芻能空冀野千羣
錦不數周王八駿圖自是燕臺留價重常從仙
仗任馳驅

李汝培邀同館諸丈遊海殿莊次韻

有輿曉發度前林野色茫茫接翠岑漸有水聲
喧竹逕忽聞人語隔松陰小橋橫合穿花杳曲
檻低迴隱霧深共道濯龍恩幸遠來乘休沐集

朝簪

縹緲雲峯倚畫樓登臨風景自神州翠微古刹
晴光動綠野平蕪爽氣浮向浦移舟疏荻葦當
軒開局傍鳧鷗松濤忽作千山雨水竹蕭然五

月秋

放舟伐鼓泛西渠樹杪峯巒倏有無
岍轉日廻爭避席酒醺風細競呼盧
慣驚水鳥相將下劇喜山翁自索扶
須遣觥缸空一棹提壺飛過逐檣鳥

載酒中流起浩歌清狂無奈醉時何
更移錦席臨苔蘚任解締衣掛薜蘿
漠漠輕雲生絕壁纖纖微雨展新荷
扁舟未盡山陰興不厭追隨百遍過

陸敬承次彭城擬元白體枉寄次答

扁舟萬里越江歸次第湖山入指揮地遠稀逢
書北至天空惟有鴈南飛翻憎尊酒成輕別豈
向高門羨刺肥從此欲尋彭澤去濁醪荒徑對
荆扉

歸興還看剡曲深詩名我輩憶何陰空餘落魄
從豪飲無復驚人索壯吟嬾媿自憐常寂寞蕭
疎誰更共招尋蘭芳歲晚還堪把擬襟幽思寄

素心

得楊公亮書再用陸敬承韻報之

天涯同住不同歸一望江南淚獨揮
山鳥幾回曾對語海鷗今日傍誰飛
秋潭寒浸丹霞小夜月潮生白浪肥
此度思君何所事四明在客自開扉

海色茫茫白露深蒹葭落日隱城陰
思尊不在山中興橫遂空悲塞上吟
漫道衣冠復散嫚獨

憐愁病轉侵尋尚平婚嫁何須問鴈蕩匡廬共
此心

長至朝天宮習儀阻病呈同館諸丈

久罷朝參獨掩扉宦情憂病苦相違書雲卧憶
蓬萊侶負日長思薜荔衣仙仗千官餘氣色爐
烟五夜自霏微共傳大地陽初轉沙鷺汀鷗傍
釣磯

客亭驚廻五漏殘鳴珂聲漸度長安尚方月送

諸天曉下界烟消合殿寒
退食幾同歸道院移
休今獨掛朝冠不才自分惟高枕
屈指還誰憶
舊歡

生子諸丈枉過酬謝

寂寞空齋夜自扃
短檠藜榻一玄經
故人月色憐多病
尊酒風流歎獨醒
驚訝德星占太史
敢云何物產寧馨
天街立馬分歸路
相送徘徊白
露寒

送費國聘憲僉之蜀

夕郎焚草下楓宸
臬柏霜威豸錦新
白雪調高餘瑣闥
青萍價重倚峨岷
文將喻蜀看傳檄
興欲浮槎直問津
臨去莫攀官舍柳
依依留向

帝城春

幾年携手問花期
此日花前強自持
萬里杜遊生忼慨
一尊清話惜差池
巫山月小懷人遠
劒閣天高度鴈遲
若過草玄應弔古
子雲寂寞更

堪悲

送莊中熙使秦歸壽太封君

輝煌使節映銅龍
太史翩翩下九重
躡向北扉辭傑直
遙從西土典分封
涇川華嶽通盟府
漢時秦關訪逸蹤
賦罷可能臨絕塞
高秋睥睨淨烟烽

萬里西封亦壯哉
秋風輕舸七閩回
非驅前弩誇司馬
為著班衣學老萊
六十年華今習隱
八

千歲月此初開莊生自有靈椿祝謾說函關紫
氣來

贈鄔育菴左遷文昌丞

酌君尊酒盡今歡宦跡天涯強自寬別駕半分
州刺史期門舊典漢材官波恬已卜千年運海
若爭誇一葦看少府聲名應不減莫從松逕詠
盤桓

次國聘費臬僉來韻

迢迢江漢逐春歸
細雨霑花欲濺衣
住世本來元屬幻
行年何必歎知非
五華舊業應無恙
三峽流雲任自飛
萬里相看共回首
忽驚秋色又霏微

煙花三月下重闈
相送離筵暗愴神
屈指瀛洲舊時侶
傷心湖海幾遊人
楚騷更憶燕臺杳
郢調兼傳蜀錦新
讀罷黯然魂欲斷
一聲長嘯忽沾巾

陳道良年丈以報政至館次西隣九日奉
枉杯酌因賦二章遂以贈別

握手重嗟歲月違
黃花應咲故人稀
僦居偶傍非玄宅
漉酒相期當白衣
聊以楸枰催短燭
不知鼓角落殘暉
異鄉此日同為客
無那睢陽一鴈歸

翩翩駟馬入長安
報政輝光動紫鸞
九萬里風秋翩翩
健三千牘草曙霜寒
相逢正值黃花節
一

咲休辭濁酒歡此去洛陽非遠別微書早晚慶
彈冠

送王頤齋使荆歸壽太封君

躉辭視草下楓宸七澤光搖使節新日麗金函
傳授冊書遊彩服便寧親檣聲曉度廬山月壽
酒晴開汝水春漫祝冥靈談楚事莊椿元說是
前身

贈萬仁甫使晉

瀛洲染翰迴威鳳蘭省封章落珥貂膾有聲華
歸妙選寵將旌節下層霄五原帶礪傳宣重四
塞風塵入望銷須念 聖明勤補袞計程何日
逐星輶

費國聘以臬僉入慶諸丈携尊訪之善果
賦詩次答

舊題墨跡未全乾驄馬重來問故驩世路險巇
難蜀道宦情寂莫媿南冠一尊此日頻開口萬

里高秋自惜翰金鏡好從明主獻還將玄草入
騷壇

同蔡伯華遊蓮花菴分韻得僧字

共是長安為客侶相携淨業叩真僧纔窺法相
諸天轉頓覺空華萬慮澄坐對維摩支一榻語
深宗鏡證千燈披襟飽飯藤蘿下何事年來獨
飲冰

說法還誰第一乘炊糜終日只沙蒸烹茶摘菓

渾無事匡几繩床任自凭徙倚池邊看菡萏迢
遙海上運鷗鵬總來色界皆真境莫使吾儕媿
定僧

送周啓明二首

三年為客長安道兩度都門此餞君無數鴈聲
催急管何來秋色動離群楚山渾望披朝靄漠
樹平津入暮雲回首燕臺今夜月一尊誰復共

論文

咲御潘輿彩服新
畫遊重向楚江濱
王程若為家山緩
天遣寧辭簡命頻
夢澤晴光蘭自媚
峴亭秋色桂偏親
南中歲晚猶多景
應采芙蓉寄故人

送蔡伯華判淮

伯華得罪故相左遷時同
事者俱有賜環之詔云

一別天涯五度春
到來秋色薊門新
舊遊屈指空詩社
世事關心付酒人
白日悲歌寒易水
丹楓搖落黯河津
金鷄已下邊城戍
湘客何須怨

遂臣

送黃葵陽太史使朝鮮

天朝喜氣浮三殿，節使傳宣傍五雲。
辭命豈煩臨下國，謳歌端見頌吾君。
前星光啓桑暎瑞，少海波清渤澥氛。
為說東藩偏雨露，萬年聳教慶同文。

白玉腰橫獸錦新，都門祖餞寵詞臣。
親裁鳳綵傳天語，喜動龍光到海濱。
擁傳金囀千嶂曉，

浮槎劍水大江春風謠併入山川賦更頌波恬
謁紫宸

送洪肖岩侍御按遼

當年薇省推高第柱後霜威壯法冠攬轡即看
遼海淨行驄會見朔沙寒春回白馬生青草夜
放耕牛解戰鞍自此長城雄萬里旦下將封事達
金鑾

送鄧文純按東粵

神明早著長安理，嶺表先驅侍御驄。
天遠鷗鷗應運海，霜清鷓鴣自搏空。
瘡痍到處憂生事，疏草何時達帝聰。
共是狄公門下士，莫將桃李負春風。

曙色寒光黯薊門，那堪霜簡對離尊。
只今浮白還同醉，別後書玄孰共論。
繡斧千山徭朔氣，彤騶萬里轉春溫。
聖明久已頒寬詔，海溼須令識主恩。

黃文叔下第南還將訪蔡伯華淮揚賦此
為別兼訊伯華

皇都春色爛如許無那故人空自憐遙望烟花
柔櫓外幾迴雲樹一尊前黃金漫賦長門恨白
雪難工下里妍若到中郎應倒屣却慙文似薦
甘泉

五日舟次天津

歸舟五日渡天津暫繫官亭問酒頻禮數更煩

勤地主踈狂惟覺有交親
蕭當橫浦餘音嫻慢
卷平蕪爽氣新誰道百年心
跡遠乘風便可著
綸巾

次莫廷韓懷馮開之韻二首

幾年京國抗紅塵
落落頻看世法新
嬾慢癖成真
吏隱文章性拙更
誰親
處禪清
袂深
彈指載
酒高齋許卜隣
回首五雲天
漸遠
殷勤供奉拭
龍巾

長安車馬自風塵同調相憐意氣新高館綺迴
雲樹合空江酒對月輪親滄波今夜生清夢玄
草誰人託素隣何處知君懷更切塞鴻南下二
沾巾

舟中初度博士馮廷對見貽佳篇次答

滄波渺渺望鄉臺一片征帆薊北來三十九年
成浪跡百千萬慮且停杯倚門白髮憐遊子報
國清時老不材檢點楞嚴聊自轉那堪郢調五

雲裁

淮陰訪鄒爾瞻舟志感

握手長淮感慨新
悲歡交集共傷神
當年薄譴皆明主
此日生還是逐臣
白髮慈親今有子
丹心孤憤更何人
獨憐不及之推賞
猶自藍官

絆海濱

當時諸公俱已賜環或量移惟蔡伯華坐謫仍判淮醴因併及之

讀清河志用楊東里先生韵寄謝袁湘峯

明府

六月孤槎泊水濱如君傾蓋自彬彬
祗緣地主能招客豈有虛名可動人
春滿河陽明赤縣風高海若入青旻
更聞叔度留齋閣共道山松重縉紳

時黃文叔寓袁令處

贈水部張惺菴

時新築臺紀平成二字

八年開濟控淮河壯志俄驚鬢欲皤
謾說指揮窮地脉幾經出沒任風波
登臺載紀龜山烈沉壁空勞瓠子歌
前席即看虛袂半蒼生封事近

如何

風雨湖中得
婉直指心庭書寄謝

風雨停梳獨掩蓬
忽聞尺素走郵筒
使君高誼堪投轄
客子歸舟自避驄
列郡爭看持斧重
諸生今見入群空
明宵倘借邗溝月
那得廬江一棹通

將至廣陵先簡蔡伯華陳儁卿

長纜牽風急
雨催孤舟湖上謾
遲迴數聲浙歷

穿蓬溜一任飄零付酒盃
病到維摩誰遣問榻
縣仲舉自堪來霍然擬共觀濤賦
夜月橋頭八斗開

過崇德朱可大邀飲花園出示新刻教種

訓謝

當年同醉胡姬酒
此日來看潘縣花
浮白坐銷銀燭冷
草玄萼得錦囊賒
斗間夜合豐城劍
江上秋隨博望楂
明發孤篷空自倚
綠陰人靜散

官衙

把酒猶疑共玉京三年心事一尊傾
仙才自占郎官籍幽賞還餘逐客名
四海風塵隨浪跡千秋詞賦見真情
清齋謾擬長門怨早晚飛鳧謁
聖明

和張質卿侍御遊鴈山韻

嶙峋萬疊聳奇峯驄馬如雲一徃從
坐見烟霞生几席環觀滄海擁芙蓉
鵞騰正爾堪橫鷄靈

闕應知可卧龍五嶽果諧幽賞願不妨遊屐共
扶筇

質卿有釣臺之約不果赴

殷勤惜別共扁舟一棹平分萬里愁
霜簡即看歸海署星槎方擬泛湘流
莫言後會知難得只此幽期不果酬
回首桐江今夜月蒼茫風景自清秋

送馮廷對司訓靖安

先生從弱冠有聲諸生間垂三十年屢
有薦之者竟坐齟齬至是以明經北上
命免喆受業邸中謁選得靖安司訓同
舟而南臨別賦贈知遇之感懃藉之情
託之乎詞工拙勿計也

袖得青蛇百尺來一官寥落謾裘細蓬窓夜雨
同玄草幽谷春風自老梅便腹六經高卧穩解
願千古立談開馮唐元是封侯晚肯向長門緩

缺回

四十年来苦著書窮愁無意飾長裾千秋壯志
餘雙鬢一任浮雲付太虛吏隱我堪師曼倩文
園君自卧相如踈狂最有尋山興何日歸歟賦
遂初

萬里歸來楚水秋送君官舍意悠悠板輿自御
青氈冷碣石高談白日浮拋卷未能知傳癖開
尊強進且天遊

先生酷愛書而不嗜酒故云

幾回共道忘機

事閒傍沙汀看泛鷗

虛齋寂寞幾論心應許見曹立雪深多少諸生
逢薦達蒼茫吾道尚浮湛閒居欲賦無知己抱
膝長嗟孰賞音玩說講堂隣百尺相期休暇到
叢林

癸未使楚八月十四日過袁郡葛侯定菴
招飲宜春堂次嚴相國韻

俯瞰層城曲抱迴平臨萬井市煙開中秋預借

今宵月五馬相招百尺臺
漏永星河泛檻落醉
歸雲霧襲衣來停驂試問
留題處誰向山陽遂
衷哀

湘鄉道中山行

複嶺層巒石徑斜
野田熟稻少人家
林藏鳥語
聾聲巧谷轉行旌
望望賒斷磻泉飛
嘶渴馬夕陽峰淨
點歸鴉山行八月
猶揮暑安得三湘
自泛槎

祇役 岷國即在清讌賦謝

使節驅馳萬里來東郊親御彩輿開光臨朱邸
迎仙仗恩拜黃封出帝裁尚未曳裾通固陋先
傳設醴奉清陪梁園自是能招客却愧登高作
賦才

刺州姚養齋邀飲法相寺同左史陳檢吾
博士樂鎮所孝廉甘崑源夜遊石洞用

曾直卿韻

洞門深鎖白雲隈有客招携夕照來列炬捫蘿
攀石磴倚巖移席放行杯卧龍猶自留題跡面
壁還誰息聖胎多少塵勞車馬度綠陰滿地陰
蒼苔

成趣園兩承清宴賦謝

名藩舊邸對雲山十畝芳園自閉關日涉獨成
方外趣天遊最樂性中間松篁戛玉鳴虛谷蘿
薜牽帷浸碧灣菟苑更誇傳郢調鄒枚長此奉

清顏

賢王愛客頻開宴三日名園兩接歡醉後恍然
蓬島坐雨中翻作畫圖看花枝對酒秋光淨松
逕扶歸夜色闌讀罷陽春真寡和猶疑清籟發

琅玕

姚刺史陳左史樂博士甘孝廉携盒同遊
保巖用左史韻

撥奇連日共豪吟佛洞仙亭快賞心秉燭未闌

秋夜興携壺應愛石岩深山圍雨色浮空颺
合雲根穩步臨聚首風塵元不偶相呼一醉盡
開襟

石亭初構保岩藏一徑斜穿引興長地集仙靈
千古勝碑開太史四山光行披野蔓隨傾酒歸
繞籬花暗度香漫道浮槎通異域壯遊自許到
南湖

朔日發行暫駐東塔寺宗侯月塘同婉刺

史陳左史樂博士甘孝廉枉携話別通

夕用韻為謝

不盡芳遊惜醉唵那堪行役負初心清尊夜雨
禪床寂客路秋風別緒深傾蓋平生憐意氣扶
筇何日共登臨幽蘭叢桂山中景早寄相思慰
遠襟

暫駐東郊古寺藏諸公飲餞意偏長詞壇對酒
千秋壯太史占星五夜光把臂只今還舊雨涉

江應自襲餘香輜軒亦有觀風命願采歌謠賦
楚湘

歸自武攸田參知邀飲龍泉菴是日公有
密雲之命賦謝并賀

使君高誼兩招尋秉燭還來訪梵林曲抱城頭
山逕有細穿洞口石泉深鐘催出定僧迎客興
發呼盧酒數斟三輔喜傳專節鉞薊門秋色六
軍臨

九日宿荷塘驛

暫駐征鞍古驛亭夕陽樹杪數峰青濁醪強對
酬佳節黃菊應知怨獨醒漸覺病癘侵歲月不
堪勞役任飄零白雲冉冉空懸切搔首風前獨
倚屏

賀叔震兄新第落成

韋賢舊第卜新居鄴架猶藏太史書百堵共看
光嗣續高門長喜集簪裾秋深桂茁天香近春

滿槐陰世澤餘漫道草玄人錯比須知文似自
吹噓

送劉蛟泉應歲薦北上

垂髮聞君振漆翰而今纔見謝儒冠傳經門下
兼三禮獨立庭前有二難駿骨黃金寧自薦塵
途青眼屬誰看臨歧慷慨傾尊酒老劔崢嶸萬
里寒

送陳湛齋應歲薦北上過廣陵因致儁卿

曉岬晴嵐試問躬
遙從明月夜觀濤
竹林意氣銷春酒
揚柳風光暎客袍
萬里寒芒雙寶劍
一時凌轢五陵豪
相逢若訊文園令
病渴無衣典

濁醪

次梁仲登豐城道中見懷之作

行春春望錦城東
翠色娟娟四野通
倚劍漸看凌紫炁
牽帷長引御微風
詩囊得意青山外
玄草翻憐白社中
誰道文園真寂寞
相携一咲著

書室

次貽豐城吳明府韻

春風袂兩曲江干
合劔雙龍寶氣寒
明府開尊東道主
使君折節故人驩
堂深草色仍堪訊
縣滿花陰好共看
病渴未緣霑一醉
新詩倚和獨凭闌

三月朔黃侯同蔡丞梁理招飲進賢樓賦

謝

高閣平臨錦水西使君招飲共攀躋一江春色
烟波杳萬樹人家莫靄低夜語漸深移綺席酒
杯數放聽銅鞮習池千載風流勝那更踈狂坐
阮裕

次荅梁仲登贈別

晨風回首郡城西清興依依到剡溪
蒼蘆林春藏雨暗蓼花洲水拍天齊
河梁謾擬生離別江閣應教入品題
最是青山憐病骨好邀翰墨共

雲栖

李本寧太史同何仁仲典客遊匡廬過豫
章因得瞻對枉教大篇賦謝

躉辭玉案出人間紫氣還誰候曉關到處青藜
搖北斗携來白雪映西山登臨謾道偏遊屐侍
從行看早賜環自是風流先達遠何期傾蓋一
開顏

何典客以新刻見示賦謝

南國佳人萬壑冰逢迎應識舊中丞
設云詩興推何遜共羨齊名御
李膺雙劍斗間占氣色片帆江上
任飄凌風塵忽枉明珠贈細論尊前
媿未能

江州病還林使君枉貽次謝

一棹扁舟錦水歸暮春薇蕨正新肥
蓬萊空憶擎仙掌薜荔堪裁戲舞衣
嬾癖自甘玄草罷醉眠閒看白雲飛
素心千里潯江上日夕南山獨

掩扉

過東林

古寺東林驛道傍
停驂頂禮遠公堂
蓮餘荒沼空華滅
虎在前溪法性忘
兩過綠苔迷塔影
雲開青嶂淨爐香
年來不厭尋真境
遊屐今應到上方

王孫貞吉履方履中枉携石亭公署復飲
滕王閣分賦得誰字時衲僧智海自越

至

石亭春酒倚江湄高閣相携倒接離帆影濤聲
侵几席山光雨色暎呆愚王孫詩社頻招隱楊
子玄居揔愛奇咲殺遠公陶令醉風流白業更
誇誰

再過豫章希斯宗侯以詩見招不及赴賦
謝并訂後期

卧病重來惜舊遊章江風雨自扁舟元王設醴

應憐渴楚客觀濤更倍愁芳草未歸春事盡片
帆空掛暮雲浮山中藂桂如相憶尊酒清秋看
泛鷗

九日小齋初豎賓陽叔同叔養叔震叔孔
諸兄及汝掄汝敬姪携尊枉過賓陽叔
復貽大作次荅

陋巷驚傳長者來德星遙望聚書臺開尊山色
含蒼翠斲草秋光破蘚苔謾道竹林同放達况

逢伯仲盡仙才
免曹未遂三冬足
東壁空憐傍
斗台

送吳宇山之官龍安丞

當年出牧有芳聲
貳郡應陪五馬行
諭蜀不煩
巴父老
制蕃空數藻
公卿瘡痍會見隨
車起險
塞須知叱馭輕
却咲相如仍病渴
錦官延睇一
關情

萬里兼軒此壯遊
青天倚劍入龍州
行春棧道

雲生履訪古官城錦漾舟
指點玉關傍西域咲
麾毛穎虬通侯馮君為問
成都卜何日仙槎更
汎秋

寄寶慶守胡養泉

一尊江閣秋天晚
萬里停雲楚水寒
蘿薜自知
航窈莫芙蓉
誰采寄交驩
共誇五馬行
春早還
擬雙龍入夜看
回首衡陽有歸雁
殷勤尺素慰
加餐

送為山姊夫楚遊

裋褐輕裝拂曙霜
迢迢南望楚天長
黃金愛士堪彈缺
白眼逢人只舉觴
歲晚蹄猿度湘渚
春風回雁聽衡陽
蓮池尚憶留題處
月色遙憐滿屋梁

丁爾錫在顧家叔震兄同飲座上對雪

鄴下千秋傳敬禮
吾家玉樹自元方
一尊夜雪開寒色
滿座春風散酒狂
迤棹未應乘興盡
運

斤不覺引盃長呼僮煮茗還堪賞明日新晴又
別觴

乙酉春復駐禪那是歲鳳山上人登僧牒
八十矣口占一律壽之

相逢屈指輸僧牒活隱人間八十秋司篆也魯
從墨綬遂初今得卧玄洲高談振錫風生座短
刺如鉞雪覆頭莫道善因無宿果前身元是大
比丘

元夜黃侯招飲麗譙同李司理傅中丞王

臬僉賦

春風郡閣綺筵開
明月橋頭火燄來
五馬似龍飛
畫棟四城如水浸
高臺絃歌遍
繞南山動笑
語平臨壯斗迴
為政光輝今
第一千秋勝事此
啣杯

日者黃瞽過訪挾萬司馬諸公所題冊索
贈捉筆賦此

新卜茨齋日掩扉草玄無意問輕肥何來季主
虛驚座却走咸巫杜德機醉後長歌雲黯淡興
闌殘燭雨霏微獵纓疑是高陽侶擊筑應芝易
水歸

家君二月壽八十朔日小酌綏祿堂邀叔
震兄同飲賦一律志喜

兩餘朔氣釀春和尊酒高堂起浩歌共羨八旬
彌大耄喜看雙鬢未全皤四朝文物垂青眼百

歲風光付綠蘿况有芝蘭陪笑語今宵莫問夜
如何

依隱亭為王孫題

孺子湖東誰結亭更生此地舊傳經不須藂桂
頻招隱自濯滄浪笑獨醒世業尚存芳草徑閒
心長傍白鷗汀我來共下當年榻枕藉南州看
客星

家君壽讌賓陽叔用韵見詒次謝并呈在

座諸從

春日春筵春氣和南山歡動發清歌一堂最喜
雙椿老百歲同期兩鬢皤倚座儘堪誇玉樹杖
藜長許醉烟蘿莫言洛社風光勝此會千秋更
若何

又代家君次謝

弟兄老去更真和接膝銜盃共咲歌屈指同時
今有幾脫巾短髮任它皤新開三徑饒松菊欲

倚雙筇付萋蘿况喜年年春酒熟相携先後醉
如何

傳中丞用韻為壽代家君次荅

中丞梅鼎舊調和一曲陽春更獨歌高唱紫雲
筵上舞紛來白雪鬢邊皤岩巖霖雨滋庭樹玉
映蕪葭借女蘿扶杖東山看 詔起蒼生老眼
共如何

徐朝直南部考績過家賦贈并憶京邑舊

遊

仙郎奏計入明光起草先含漢署香莫以水衡
私少府須知山澤盡南荒陪京根本千年重原
廟衣冠萬古藏宣室倘虛前席召好將豐邑頌
丕揚

鍾阜晴雲開盡省金陵春色送行舟浪花輕蹴
歸帆駛岬抑遙迎畫錦遊高等定知推漢殿故
人誰共把吳鉤因君忽起長安夢壯斗縱橫倚

鳳樓

送別駕况鳳岡謁補選入

浪說腰纏還誇鶴真州舊宰自清貧翻憐半刺
淹淮海又向扁舟問薊津抵掌誰明蘆吏苦彈
冠惟有故人親當年父老應遮道剩得甘棠兩
地春

示汝綸姪省試

西省秋風聽鹿鳴延津夜色動龍城謝家庭樹

元誇玉楚國江離更佩衡長價喜看題品重高
飛會見羽毛成山中儘有圍碁興捷報先防屐
齒驚

詰免省試書此示之

三年郡國上賢書初遣詞臣下禁廬陳義直須
追太雅空郡端見重公車鋒鋒新發吳鈞利廓
落終看社櫟疎少壯清時俱不偶春風莫自負
吹噓

叔震兄患足不及赴省試戲題博笑

當年壯志並驅馳李廣何期值數奇
別足豈緣懷楚璣衛根猶自咲園葵
誰云騏驥能終繫信是蛟龍不可羈
抵掌且須浮太白唾壺一擊共淋漓

廷對馮文學屢枉楨餉索居苦窶無能為
報賦詩致謝

廣文誰道冷青氈猶自分金楨俸錢便可漉巾

三徑醉不妨捧腹五經眠蕭疎已到羲皇上宛
委還探禹穴前安得平原旬日飲咲看碣石坐
談天

次荅孔陽王孫

門巷棲遲沒草萊尺書忽見錦江回
投交有分真冥契濟世無能老散材
亭上清光涵萬斛匣中寶氣動三台
一時詞賦多同調獨步千秋鄴
下才

送江司獄陞永嘉係

廉吏誰云不可為一官何必歎棲遲三年狴犴
多陰德百里勾稽表令儀莫羨鷹鷂移惠愛好
將冰蘖勉操持清時薦拔唯公道早見騫騰慰
舊知

送謝皇弼遠遊楚益

秋風尊酒送君行滿眼黃花對別情路入五溪
連捲嶺書探二酉訪巴城異鄉珍重家千里客

夢驚回雁一聲，若見隴梅須早寄。故園春色待
嚶鳴。

送况鳳岡倅潮州

海邦舊倚韓山重，別駕名因展驥高。坐嘯不殊
司馬興，觀潮猶似廣陵濤。半生遊宦惟垂橐，此
去相憐有贈刀。安得泛君薦蕉荔，鞭驅蛟鱷掣
靈螯。

送廷才盧侯入覲

君昔飛鳧來 闕下長安尊酒問絃歌
共傳父老甘棠咏 更喜兜童竹馬過
一自文園歸卧病 忽逢仙宰又鳴珂
攀援無計能留寇 獨借清光照碧波

百里誰憐乳哺親 愚黔力政自癡神
察廉喜上周官計 敦樸欣逢漢制新
五載勞心唯酌水 四封遮路共攀輪
歸朝莫忘瘡痍苦 燕谷能迴大地春

四海情親見弟舅依依桑梓獨含恩高懷幾許
動懸榻私徑何曾故造門自是鳴琴稱善理豈
緣拔籛奉清言看君雙履凌雲起安得追隨集
禁垣

壽帝斯宗侯五十

二月南州灑壽章萊衣驩舞慶高堂莊椿擬託
耆英會陶菊新傳令節香五老共擎彭蠡酌千
秋長傍斗牛光君家詞賦追騷雅巴里無能報

七襄

王孫綽約玉為肌
五十形如少壯時
共羨前身是姑射
誰知大道在希夷
玄風世尚朱門隱
素業人傳白雪詞
更喜星躔開壽域
維城千載應昌期

送况錦瀾歲薦壯上

伯仲當年羨二難
鳳山高暎錦江瀾
魚龍欲逐春風起
斗牛驚看夜色寒
壯志千秋憐伏櫪
廣

文今日咲彈冠君家舊有三鱣
飛好向青氈刷
羽翰

贈叔孔兄家大司成季子

玉樹連枝映玉堂
翩翩佳氣季方良
象賢已喜承家學
中聖還堪到醉鄉
濁世相逢迴白眼
素心共許愛清狂
鳳毛更自池邊起
洛誦應誇漱潤芳

漱浦令張遠甫
覲回便省書况相訊賦

謝

長安尊酒慶彈冠，忽謾仙鳧集禁鑾。
茂宰聲華騰上國，故人寂寞滯江干。
聯翩彩服垂新綬，珍重緘題訊舊驪。
清白共誇廉吏後，尚留珠玉五

溪寒

張大父合溪公
有過辰溪諸作

胡良甫自陽羨還過青藜與喆兒講業書
此勉之

扁舟春水遡洋瀾，蹴浪招搖五老寒。
天倚東南

迴望杳雲連吳楚盪胸寬須知旋面驚毫末好
共培風振羽翰同志千秋期不朽莫將談笑負
交歡

吳南洪入覲過家枉訊賦答

文園寂莫故人踈雙鯉猶傳茂宰書謁帝仙
鳧看賜履還官竹馬候行車三年保障巖烟淨
百里絃歌海日舒強欲追歡耽卧病承明早晚
曳華裾

四十二初度自歎示詰兒

四十今朝又二年鬢中短髮忽蕭然
典象有客堪浮白問字無人獨守玄
最喜老兒留健曠更逢聖主許高眠
藏書欲遂龍門志安得青疏世業傳

四十今朝又二年薰風正喜入虞絃
山光鳥語渾相悅野服雲棲只自憐
已分清朝甘習隱何須塵世更爭妍
床頭濁酒還堪漉一枕羲皇白

日前

四十今朝又二年
俄驚清夢五雲邊
鵝鸞自是仙班集
麋鹿終看野性偏
伏枕金莖虛悵望
端居 袞職却空懸
無勞唐舉輕肥相
櫟社應知不用全

次荅履方王孫

寂寞山中生事微
春風幾度見花飛
蘿窓交鎖禪棲定
苔徑長封客到稀
鶉結儘堪安北郭
蛾

眉敢自妬南威也知劉向憂時切五柳于今覺
昨非

次荅履中王孫

薜荔新裁野興饒柴門地僻罕相邀翻嫌黃鳥
驚空寂獨抱玄經對次稟清世散材容伏枕綠
陰緩步當輕輶齋頭首筓還堪摘一水盈盈路
未遙

陳奇峯北行過別賦贈

清秋萬里謁承明
爽氣鮮新滿玉京
綰綬共稱秦太守
分符元領楚專城
扶搖會見鵬搏健
蹀躞應知驥足輕
一卧滄江霄漢遠
因君回首望金莖

次荅丁元甫登白嶽見懷

海陽東望氣佳哉
秋淨天空嶽色開
鳧舄幾傳仙宰度
雁書遙憶故人來
登臨萬古懷悲杜
睥睨千山影動迴
野興不堪支病骨
新詩聊共白

卷之三
雲裁

一卧滄洲散吏情
幾傷秋氣薄
寒生踈慵自信
宜高枕搖落
那堪問遠行
悵望靈巖
虛物色謾
勞關尹在
逢迎風流
千載鳴琴
理吳楚
應留峴
首名

送郡丞丘修吾歸龍巖

本為蒼生懸魏闕
重將華髮負東臯
清時且逐
漁樵侶
聖主應憐撫字勞
秣馬鳳山開曙

拂纓錦水落寒濤村烟江樹重重鎖遮莫前旌
戀客袍

布帆輕舸度江津西岼丹楓十月春咲指海濱
饒荔橘謾云秋興動鱸尊平生遊宦唯遺愛三
徑初歸有健身無計一錢將遠道峴山回首共
露巾

次荅蒂斯宗侯見慰悼內

樗散俄驚鬢漸絲那堪虛室又生悲欲知角枕

傷心地重憶牛衣擁卧時
月白空瞻華表鶴
霜黃忍見碧梧枝
君家慰藉詩盈把
讀罷寒雲四野垂

次荅鄒爾瞻觀瀾軒

縹緲飛樓勢造天
江流俯澗淨芳筵
坐看島嶼浮漚裏
長嘯風濤落檻前
雲物幾經生變態
星辰終古自高懸
莫將寶劍驚鷗侶
知是聞鷄屢儻躔

壽貞節潘母七十

茹荼獨頌栢身篇
懸帨茲辰啟壽筵
鳳詔表閭光寶婺
烏紗戲彩迓金僊
嘉平正值春風近
教嶺遙看紫氣連
更喜潘輿堪自御
他年彤管續青編

賀大叅史應之

華省仙班直殿頭
翩翩文藻舊瀛洲
幾回劔閣捫參井
一望洪都動斗牛
萬頃清江開政府
千

山草色 護城樓風流自昔推
參佐况是分藩最上游

一別長安歲月深 不勝哀怨寄瑤琴
忽傳薇省春風度 頓覺江城紫氣臨
寂莫太玄餘短鬢 淋漓尺素見同心
無緣入幕陪清嘯 抱甕低迴自漢陰

謝皇弼同家叔澄叔孔携具薜荔園賦

三十日春強半雨 新晴今為故人開
烏犂歷亂

頻驚座山色霏微數引盃自咲灌園成獨往
虛傳載酒問奇來重遊莫負花前約已辦青錢醉
綠苔

家君壽八十二文翰詔用八句韻為壽次

荅

春水東郊景物和筍輿行唱紫芝歌親年八十
二初度免髮三分一已皤醉舞蓬萊懸露掌倦
遊薜荔卧雲蘿故人肯許迴車轍巴曲還堪倚

和何

代家君次謝

生逢八十二春和倚杖猶聞續舊歌誰道丹砂

能駐老已看玄髮盡成皤同時關尹遺琴舄

翰認

尊人明府家君偕及同時此日文園共薜蘿自是金門堪大

隱瑤池消息竟如何

文翰詔過訪飲別薜荔園

謾云興盡剡溪還別指文園傍小山松鳥倦歸

雲蓋偃籜龍高拂露衣斑韶華不任芬菲亂清
景偏留薜荔閒緩步綠陰芳徑軟靡蕪春色暎
酡顏

聞馮廷對擢授藩教太夫人憚遠行輒爾
解綬賦此代簡

伏枕經年絕訊書故人消息恠來踈文章賈董
終憎命詞賦鄒枚定曳裾奉檄尚堪分醴酒御
輿無那樂閒居為君早已除三徑何日能迴花

外車

何日能迴花外車濁醪粗糲摘園蔬蒯緱猶在
空彈罷蘿薜新裁共返初用大還誰浮魏瓠全
真獨自託莊樗汀鷗沙鷺如相待謾說臨卽着
子虛

寓訊廣州郭時用太守

羅浮山月海天雲竹馬爭迎郭使君麥秀兩岐
訶實政珠還合浦播清芬二千石共明廷理六

一翁餘郡閣醺離別總來多卧病偶因弱羽轉
相聞

寄懷南海段子明明府

遙憶河陽春正深閒庭晝永散花陰雲連海氣
飛雙鳥月湧潮聲韻素琴勾漏不須求異訣彭
湖元自漱靈襟故人若問山中事髮短愁長病
日侵

寄陳楓涯別駕并呈郭使君

郡城雄倚越王臺，展驥知非百里才。
齋閣晝閒長嘯咏，海山天濶恣徘徊。
仙舟喜共林宗泛，別駕應題仲舉來。
遇合祗今端不偶，好將懷抱一時開。

瞻福宗契過山中，以尊甫光祿公行狀見
屬感而賦此，并以勗贈。

回首春遊共舉尊，那堪秋怨賦招魂。
公評身後徵遺行，心事生前獨細論。
長夜星河懸隴月，詰

朝風兩暗柴門君家萬石聲名舊滿擬人誇玉
樹繁

薜荔園山亭枉酌叔泉兄

少陵古堂本踈豁為借吳郎停宴遊大半菊松
除舊逕纔添亭榭決新流濁醪取醉花爛熳短
句細和鳥啁啾泛此過逢須數坐百年身世總
浮漚

叔泉兄見示之作余獨喜其頸聯座上是

賓曾主世間何我亦何人之句但有
逸韵走筆戲之并承所委

千載灌園名尚在滌陰此日更何人古今代謝
元無主天地遽廬總是賓詩律細敲須晚節交
情深味見同辛南陽仍舊還新傳莫逐狂瀾涅
世塵

羅茂才舊從鄒爾瞻講學都雲過訪山中

賦贈

為說當年繫楚冠梅花洞口萬山攢飛霜獨抱
孤臣憤戴月同披袿褐寒奇字問還秣酒熟夷
歌聽罷蒯緱彈只今門下多先達不惜綈袍戀
舊驪

池蓮盛開愈出愈奇再賦

凭闌酌酒酹花神花色頻看瑞氣新次第重開
增異數駢羅相暎醉同春九苞九畹滋芳蕙千
葉千秋慶大椿若道通靈堪服食玉皇仙吏是

前身

擬秋興八首

玉堂罷直幾經春
栗里園開薜荔新
花發鳥啼雙螭屐
詩狂酒聖一綸巾
白雲冉冉驚秋早
翠壁娟娟入望頻
出處杳然迷野興
虛舟獨泛絕風塵

憶昨乘槎楚水還
于今五載一身閒
鳳池日射麒麟殿
雁塞風清豹關欲
蒼昇平空忝竊且

尋巖壑緩躋攀夕
徑浮動嵐光翠坐看藤蘿月

滿山

平原一望水雲寬
又見田家秋事闌
土瘠莫嫌收刈薄
年豐且保室閭安
草肥黃犢閒歸牧
爪種青門足卧餐
但得四郊無猛虎
濁醪鄰父共盤桓

司會持籌日筭緡
官家寬令沛溫綸
憂勤無乃勞
明主經濟應須屬
老臣禹貢八荒歸
土產

堯封四海接天垠 三農作苦休嗟歎 猶願供輸

役鬼神

時閏年報大司農有歲出浮歲入二百餘萬疏

翠屏圍柏綠琅玕 門外青山枕上看 幽興不緣

三徑住 閒心無礙 一丘寬 千峰秋色浮佳氣 滿

壑松聲瀉急湍 誰謂考磐歌永矢 此中真趣欲

言難

九重宵旰切其咨 露禱猶傳 諭百司 頻歲東

南憂 汎濫至今西北轉 流離江湖魏闕空 回首

廊廟蒼生可察眉蕭瑟更逢搖落緒傷秋宋玉
鬢如絲

秋風萬里氣縱橫鴻鵠應須羽翼成四皓元同
黃石隱赤松端共紫芝情終南山徑空牢落直
北星河迫太清不是著書勞病肺夢魂中夜到

金莖

竹塢松巘過雨痕鮮新爽氣入郊原平林漠漠
縈烟帶返照熒熒亂石根栖鳥留人喧礧樹歸

雲送客鎖柴門
循除獨步看斗牛
一瀉銀河玉

露繁

謝學博以次賞蓮諸什見示又咏小園倚
韻報之且久許過訪不至即用為嘲

廣文高卧杳難攀
碁局詩筒苦未閒
試問鱖魚張學士
何如遊屐謝東山
名花留客芳亭上好
鳥懷人翠柏間
數曲蓮歌遙唱和
幾時一棹剡

溪還

九日同程茂才叔孔兄諸子登高

兩袖飄然御晚風，馮虛直欲倚崆峒。
蒼涼野色浮烟外，縹緲山光落照中。
亂引餘盃欹枕石，仰看新月正懸空。
歸與不盡登臨興，回首流霞暎海東。

五年休沐幾登高，萬里清秋澹白醪。
雲物縱橫催節序，風流儒雅屬吾曹。
不堪鴻鴈千山度，無那黃花兩鬢搔。
忽憶舊遊增感慨，一聲長嘯起

松濤

壽傳中丞仁泉六十

執法名高攬轡初上卿特進寵專與文章國士
多推轂勲業中朝有諫書戀闕春迴宵漢夢懸
弧光射斗牛墟故園壽酒頻傾倒早晚鳴騶引
使車

中丞持節下陪京洛社風光暫繫情天眷老成
華髮舊星躔初度玉衡明丹心獨抱驚鳧藻紫

氣遙看燭鳳城闈苑不須傳故事五雲仙籍本
長生

生孫自咏

袂半充閭喜氣新孫枝初見及芳辰百年厚積
承先德三世重看慰老親繩武漫云光舊服貽
謀祇咲足清貧歡呼處處聞啼鳥蘭茁添抽玉
筍春

邀郡侯章實甫飲洞山清風亭

倚郭禪關枕翠屏山圍蕊蕚真雲停林光浮動
霏殘兩夜色崢嶸聚德星笑語祇應通帝座追
陪長許別岩高醉翁賓泛饒行樂千載清風共
此亭

兩邀章羊二侯飲清風亭俱值郡理吳左
海公行賦此寓懷

鳳鳴龍躍擅東南巨闕純鉤燿紫鐔精射錦江
開曉漲瑞騰碧洞霽春嵐明刑共喜虞廷頌博

物還看禹穴探亭上風光占使節何時尊酒對
清談

浮生

浮生四十今逾四半被憂侵半學閒住世未緣
空世法出塵應得破塵顏林中散帙山盈几石
上啣盃客叩關却咲嶺雲多擾擾歸禽何事倦
飛還

鄔能夏入京過別山中賦贈

蕭蕭征馬向長安到日秋生玉露寒遙望五雲
浮氣色懸看片月倚闌干相携故里偏憐別定
有新知更合歡搔首臨歧多感慨風塵努力慎
加餐

左丞陳玉叔枉訊兼以豫章三記雙龍篇
見示

坐對雲山暮色開清秋萬里素光回詞人海內
憐同調世事中原仗異才劒合延津騰寶氣記

成廬嶽護高堂城臨北斗頻登眺五夜薇垣列
上台

代叔孔兄贈劉掾入京

賞花時到子雲亭愛客長年倒醪醑為攬征衣
頻勸酒忽驚舊夢憶傳經秋風雁度蘆溝白春
日鶯啼錦樹青豪富五陵今有幾故園聚首喜
占星

八月十日得兩志喜

密雲矯首竟成虛忽有甘霖破旱初晚稻半蘇
猶可穫野田帶潤尚堪鋤秋聲不覺生丘壑起
色纔看任擲梳寬詔何時承霈澤頃教霑足慰
窮廬

叔泉兄携具與叔磐叔孔二兄到園亭乘
醉復過舍瓜酒為歡秉燭中宵抑亦一
時之快也詩以志之

一尊相過興陶然池上殘芳尚有蓮取勸碧筒

香送酒携歸蒼靄翠含烟良宵秉燭還看月促
坐浮瓜更擊鮮不厭清狂能愛客追尋日日共
忘年

中秋孫伯宗濫受諸生供具又以易而竊

談詩戲題嘲之亦有寓焉

時伯宗開帳文似樓
即家司成藏書處

便便捧腹坐臯比竊聽葩經効解願高會須知
防鼎足素食寧頌伐擅詩樓頭月色窺文似堂
下槐陰傍挂枝醉浚舊遊應入夢屋梁顏色動

相思

謚國範奉太夫人八十壽觴即應南宮試
賦此贈行

萊衣舞罷謁承明共薦雄文似長卿
駭健燕臺騰驥足扶搖海運徙鵬程
一帆秋色江楓曉合殿春光御柳晴
忽憶舊遊增寂寞空懸霄漢望
金莖

送謝皇叔再入酉陽

西征兩度屆重陽送遠登高一舉觴萬壑猿聲
穿隴蜀三湘雁影落帆檣生涯世路關心切夕
照秋風引睇長却愧故人無厚祿那堪歲晚損
離腸

九日偕叔泉兄暨諸子登陽嶺得東冬韻
適文翰詔有十日觀菊之約喜而再志
一望憑高盡海東盪胸雲氣直浮空雁聲半度
寒烟外人語遙聞翠靄中岍幘不須憐落帽拂

衣頓覺欲凌風醉歸更有花前約乘興還來看
菊叢

乘風獨上最高峰俯矚文園鑠綠松日氣射紅
浮睥睨嵐光拖翠滴美容吏情歲晚憑杯酒野
興年來信短笻更喜明朝玄客到山中定有白
雲封

孫見泉枉訪同伯宗飲薜荔園賦

舊遊握手罄交驩莫厭齋頭首著盤籬菊尚留

秋色晚山禽相勸酒盃寬十年荏苒驚雙鬢三
徑棲遲得二難來往自今幽興熟還催釀黍待
凭闌

理建山舊基

二十年前憶梵宮灰飛浩劫鏤深叢誅茅初地
雲根動濬井靈源石髓通默念淨因無斷續了
知法界本虛空何時解脫浮生夢蘭若松高坐
午風

阮敬甫年丈典東粵試還即赴南宮賦贈
問竒門下幾侯芭草色槐陰夾道斜錦水進龍
環講席瑞筠鳴鳳集官衙荆山璞剖珎和氏燕
國臺高重帝家現說嶺南春事早携歸上苑共
觀花

正月九日文翰詔北行過別薜荔園折梅
為贈兼病中有感賦別

病裡相過話北征仙郎歸計入承明江天浪蹴

春花煖海戶朝連莫樹平
慰藉傳經尋舊侶逢
迎進學有諸生臨岐多為綈袍戀
折贈寒梅繫
遠情

春懷

病眼看春更可憐
海棠相映木瓜鮮
雨移藂竹
新含筍雲濕幽巖
暗溜泉噪雀鳴鳩
爭薄靄踈
枝嫩蓋抹輕烟
杖藜不減年來興
獨恨囊空剩
酒錢

次荅張祠部見示長至齋居之韵

鍾陽齋室傍湖濱
瑞靄遙連玉殿春
想像翠華臨祀典
遲廻輦道屬車塵
千年禮樂留京重
萬國風雲至日新
更喜甘泉能獻賦
祠官端笏慶神人

小軒白牡丹叔泉叔磐二兄過賞

若為清白有輝光
姚魏應知讓紫黃
晴曙迎風搖素葆
月華含露瀉瓊漿
瑤臺浪說逢仙子
春

色長看倚玉堂更喜
心連同把翫郢歌一曲競
飛觴

叔泉叔磐二兄
江携訪劉象乾同賞牡丹
相尋載酒雨中過
花之思於人更若何
紫艷初當醒眼快
淡妝翻暎醉顏
酡枝頭鵲啄頻
窺座籬下泉漸細
和歌此會百年應
有幾故催詩興野
雲多

送吳南洪刺歸州

刺史新章上國回迢迢征蓋五雲開雄風萬里
吹巫峽清夢三刀繞楚臺月曉香溪涼郡閣花
明玉洞照城隈懸知雅志尋騷賦入幕誰堪授
簡才

千秋故國傳夔子控引巴川入楚江形勝益荆
分險隘土風魚菜足醇醲散衙人靜馴丹雀行
縣春深暎碧幢公暇有懷須擬峴芳名今古重
為邦

寄懷蔡伯華督學楚中

月色濤聲醉廣陵
尊前按劍氣稜稜
千秋鑑上歸司馬
七澤風高運海鵬
一握楚蘭香倍遠
向來和璧價應增
相思浪說襄王夢
雲雨荒臺不可憑

賀中丞傅公體元起撫兩浙

聖主臨軒問老臣
簡書六月下楓宸
中朝推轂聲華舊
南國褰帷法象新
坐對湖山增氣色
咲

看海嶠淨風塵十年霖雨蒼生望此日非熊入
夢頻

憲府行秋組練明湖光容裔曳蜺旌天門日近
臨滄海仙掌霞標暎赤城雅鎮三朝推執法密
參八座待持衡公歸不為彈冠慶共卜昇平屬
老成

蔣乾初明府 覲還即應 召命歸朝
而賦別

初傳竹馬走江城又報徵書促北征春滿宜陽
留玉洞秋高華省倚金莖六年撫字推佳政萬
里雲霄動直聲蒿目祇今愁赤野可無封事達
承明

次傳中丞體元紀夢

清朝元老眷重瞳異數先茫寤寐通天語親承
霄漢上玉醪露醉夢魂中還看列鼎當年果相
慶彈冠舊日驄自是傳蠟符賚弼謾勞野史紀

非熊

十年清夢喜從龍，雲繞蓬萊侍聖容。
授記遙

分鯨海仗省循還，憶鳳樓鐘履聲潮擁趨。
三

殿玉節山回覲，九重造膝自今陪。
咲語載歌

魚藻醉黃封

次荅張惟寅見懷薜荔園韻

編籬藝槿初為圃，種菊餐葵此作家。
漉酒自尋元亮徑，藏書空有惠施車。
相呼野鳥閒窺竹，

照山螢亂點花遙望南樓接霄漢秋風直汎斗
牛槎

邑博阮敬甫年丈兩代直指公辱臨先人
感而賦謝

禮廬兩度在軒霜簡重看慍九原不為南洲
將古誼何緣陳榻奉清言秋容黯淡空瞻岵
色縱橫一倒尊信是春風隨杖屨吹噓愁病起
文園

幽事

午夢初迴過草亭
林光橫帶數峰青
池蓮不動香風淨
籬槿低含潤色醒
整理秋容鋤菊壟
沈酣幽事鑊柴扃
凭闌棲鳥催歸急
院落花垂滿徑星

雨夕

暮雨蕭蕭釀薄寒
空山鳴葉帶風湍
自憐短髮燈前影
細把殘書掌上
看催老獨驚來日
易工

詩深見古人難淹留莫恨無成緒回首蹉跎愧
素餐

晚霽期明日劉象乾叔泉兄遊建山

風雨連陰首重回與誰懷袍一時開故山筋力
今猶健晚歲親朋莫浪猜杖策眼空蒼野外占
閒僧住白雲隈繁星喜卜明朝霽隔宿呼僮滿
載醅

與劉象乾叔泉兄遊建山閩寒字韻

秋壑涵烟礪樹寒涓涓石洞寫鳴鶻迂回樵徑
隨僧引縹緲山光縱目看險處正邊携酒至坐
來倒覺陟巔難徘徊不盡登臨興屈指重陽菊
可餐

口占催菊

我屋南山菊幾叢悠然坐見鬱葱茏枝頭蓓蕾
垂垂露葉底馨香冉冉風九日隔年應已放一
尊佳節莫教空行吟不任催詩句滿擬繁花伴

醉翁

九日同劉象乾叔泉叔磐二兄登高得奇
字

躡磴捫蘿著步遲扶携直上更探奇
千山島嶼隨藜杖萬里乾坤落酒卮
自信地靈應待我幾回佳節謾題詩
莫言野興今朝盡籬菊重看是
醉期

座間報叔磐兄舉孫口占為賀

孫枝初見毳封侯重到朋尊喜氣浮采菊共誇
逢兀日浴蘭應待及三秋臺烏步武連台宿金
馬題詩費酒籌莫咲弄璋忙錯寫定教湯餅胾
新樓

抱病

偃蹇逢秋病每侵蕭條藥裹獨關心文園久倦
相如渴故里猶為莊烏吟籬菊謾看增爛熳雲
山空望阻登臨莫言霄漢金三露只此村醪亦

罷斟

病中有女兄之慟

秋風蕭瑟滿空山
接地陰雲晝掩關
不斷淚痕傷骨肉
幾經病態損容顏
還家轉盼人非故
獨處銷魂鬢自斑
謾擬放歌先咽塞
林烏啼亂莫
栖還

同劉象乾叔泉叔磐二兄建山謁佛像小

座談禪

古佛莊嚴色相新
飯依頓覺淨根塵
聊將一指機緣語
共證三生業果因
濁酒自標風致遠
黃花相對咲談親
山靈千載藏真境
謾道如來有後身

張惟寅祠部使還賦別

王程計日使君還
遙望金陵一水間
曉度盜城開嶽色
秋清楚甸入吳關
六朝麗藻風流遠
聖代冠裳省署閒
若到祠官先展謁
鬱然佳氣

滿鍾山

隔年彩鷁赴春鄉使節行看駐錦城自是仙郎
兼吏隱不妨王事緩歸程草堂幾度來詩札江
閣遙懸繫別情此去九霄生羽翰二京賦就謁
承明

次荅叔泉兄貽橘戲韵

移來新橘正迎陽細葉青青鬪菊黃共向故園
霑雨露定看他日飽風霜千頭謾說誇封邑一

局真堪對舉觴好景于今同手植何須懷果待
緇郎

送劉翼吾之臨湘訓

當日諸生選佛場垂髫惟我髻先蒼彈冠相慶
來京國授簡行看賦岳陽湖草秋光浮石鏡龍
湫春浪動魚梁東方已歇金門隱安得從君問
酒香

仲冬朔同劉象乾叔泉兄謝體縉張爾淑

詰免遊碧雲象乾偕諸子卜試事于神
因憶往事用壯其志

岩堯一徑入雲峯半嶺先聞上界鐘壇靜爐烟
凝紫氣臺高巖木闕靈蹤風生羽翰青霄近晴
滿郊原翠色重却咲文章驚落魄當年叱咤鬼
神茫

重九與叔泉兄訂碧雲之約乃茲果願

古木靈壇不記年獨存名勝碧雲巔螭頭雨抱

浮香霧螺髻晴看綰翠烟白日雷霆虛壁動半
空星斗幔燈懸文園久遲登臨約躡履風前興
杳然

深省

天高月迴星象稀山靜枝橫風力微獨立空階
動清思杳然虛界見真機露華明媚斜侵幌霜
氣嚴稜已怯衣深省浮生須警悟莫言五十始
知非

胡勉齋得東陽令過家枉訊賦贈

掖垣諫草先朝重赤縣花封此日開一自瑞陽
騰鳳遠爭看仙尹賜鳧回面香南望金星動涵
碧東浮瀲水來聞道三丘還擬峴風流不羨隱
侯才

賓陽叔同叔華弟在携山園折贈樓子芍

藥却賦

肩輿乘興到山園花徑無人自款門滿耳啼鶯

喧綠樹傾談浮蟻倒清尊輕陰巖靄留春色薄
莫林霏破雨痕醉倚藥欄親折贈重棲紫氣氤

蘭孫

用韵荅履方諸王孫謝譔乃母熊泚人銘

思齊千載嗣徽音罔極難酬報德心共守栝棖
存手澤各成機杼動詞林慙非良史銘章重自
託通家友誼深投贈竭來青玉案懸看藜館夜

光侵

梅窓宗室因其外孫王太學以詩扇見貽
次荅宗室年七十五矣字勢道勁稍有
古意

遙傳宅相出神京
紈扇詩函帝子城
聞道靈椿稱太老
還招叢桂采虛名
羅浮春色開廬嶽
鴻寶祥光倚玉衡
何日關門占紫氣
會看雙劍匣中鳴

芝田陳師季子過訪

芝田先生古廉吏也庚辰卒于京署幾
不能覆形其幸守史局獲執弟子禮躬
治殮具以歸于今十載矣其季德諧過
訪山中狀貌頗肖先生一接不覺潛然
細詢其生事為之哽咽者數日適苦憂
居食貧無能為贈臨別贈之以言

十年夢裏憶先師此日通家識面遲千里
孳身憐自語一時握手淚交頤高堂動訊知無恙
廉

吏誰云不可為解贈綈袍歸努力莫將清白負
良規

先生伯子德慈能世其學比鄧直指觀風
八閩屬之物色乃浚報諸生中求之不
得其人便爾驚訝及季至詢之則云早
世矣又增一慟幸有遺孤心傳年十齡
隨其寡母鞠于外家李氏李太守公之
浚也欽止高誼并勗心傳

太丘門第屬元方誰信天心更杳茫恠底書傳
虛物色到來親問重悲傷遺孤尚喜綿瓜瓞宅
相端能賦渭陽憶爾十齡須向學無雙早已羨

黃郎

先生仲子德歿有內子之慟余亦悼內未

平詩以慰之

德歿鄉居悉寓其內子嫁賞
于岳家因共喪而盡收之

不任嗷嗷失父舅那知又鼓漆園盆無家莫怨
乾坤小有涕應教海日昏已罷辟纊陳仲子謾

談歸贈卓王孫却憐悼內猶懷恨萬古愁銷屈
宋竟

陳幼溪司馬中丞忽枉訊遺并示諸作賦

報

法星凜凜重三朝推轂頻繁擁使軺西北指麾
戎馬靖東南保障侵氛銷峴山歌放春風艇滄
海潮觀夜月橋留滯何因承眄睐璫瑤莫報倚

逍遙

司馬懸車尚黑頭
海天空濶綠鷗浮
賜金盡散歸疏傳
副墨深藏檀鄴侯
溪舫潮聲吟白雪
雲窩春色動滄洲
遙瞻紫氣通南極
醉擁鰲山絳

關遊

芝田先生歿之十年
季子德諧持其世父
奉常青田公所狀
先生行屬不肖以誌
感而賦此

白日寒光黯薊門
春愁不盡素車奔
身名萬古

長留恨心事平生未了恩却惟叔教資抵掌誰
憐宋玉賦招竈含辛為紀泉臺石溟海茫茫灑
淚痕

寄李汝培

尺書兩度廣陵來八載相思夢一開多難形容
江上老隔年酬答病中裁侵淫空憶觀濤賦留
滯元非濟世才可奈故人憐范叔幾回東閣望
官梅

春明一別即天涯
幾度東風鬪物華
高枕飽餐陶令菊
拂衣新種邵平瓜
斗牛氣色橫江合
雲樹參差隱日斜
莫向邗溝遊夜月
隋隄遺恨鎖烟花

明時不合賦閒居
知是玄齋好著書
露滿金莖懸渴夢
斗回銀漢動潛虛
鶴聲清徹江天曉
蜃氣全銷海日舒
聖主恩光瞻只尺
楚人騷怨謾躊躇

山房觀蓮

池榭芙蓉面面花種蓮何必問仙家翠分庭竹
搖風荇紅亂園葵奉日華坐訝夏雲當戶起香
清午夢北窓賒却憐野外無人到獨對斜陽散
紫霞

亭館臨池便種蓮花開的的闌妍鮮愁無客到
長同醉喜有詩成獨取憐興遠一丘饒野趣坐
移隨地會群仙數峰江上猶知己日吐紅雲倚

檻前

秋日

淡日風林急，
吳蟬千山秋。
氣一簾懸浮雲，
蹴沓長空捲。
野色差池遠，
樹連嬾病人。
逢搖落緒，
淒清興入沉。
寥天徘徊，
獨自搔蓬首。
歷亂星河倚檻前。

為劉象乾賀吳文明首選入學并報其尊人歸州公

吳鈞初發色寒芒寶氣懸看射斗光庭草春生
分薛荔渚蘭香滿度江湘斯文却喜歸吾黨至
道還期睹大方為報故人誇有子種桃須信是
劉郎

王郭泉歲薦北上過別賦贈

為到山中問歲寒重遊握手慶彈冠制科貢舉

稱高第家學登庸並二難

是歲君弟陪薦而
二從弟皆孝廉云 謁

帝春開元朔會

明元旦
立春

啣杯祝餞故人歡千秋

好續河汾業擬共玄經對夕餐

除前二日同叔泉叔澄叔磐三尤園亭賞
梅次叔泉韵初兄以患齒為辭

亭上招邀共探梅賞花長帶兩相催莫辭冷蕊
能侵齒須信寒芳自送杯最是山家留晚趣那
知春色占先魁醉看雙眼還俱健一咲詩成浪
說才

相逢歲晚共憐貧獨對梅花瘦格真野興未應

牽世態酒杯須放助詩神
幾回老圃同辭鴈轉
盼春盤又薦辛更喜移花
添竹逕重來風景逐
年新

九日龍陽精舍襲芳亭懸榜

書舍茅亭列嶂開
新懸雙榜趁春裁
三陽泰啓龍光動
百卉芳搖鳳藻回
散帙晴雲團薜荔
倚闌香霧點莓苔
傳經謾道蕪玄草
寶氣遙看接上台

上台

雪夜因次賓陽叔詩有感先史公

坐撥寒灰憐夜永更聞風木不勝悲同時父老
今增健舊日追隨獨憶詩世載仰承慙履薄春
暉欲報恨無期蓼莪掩卷空欹枕輾轉音容入
夢遶

賦紅梅為賓陽叔七十八壽

芳筵華燭散春寒醉裏春花爛煬開入座細香
浮紫氣駐顏深暈發仙丹不煩青鳥來瑤圃

為斑衣倚玉蘭虬幹自存風骨健百年長此薦
辛盤

文翰詔滿告謁選人得補廣州別駕過家
之官贈別

春色長安萬里回屏星遙指五羊開還家正喜
啼鶯合佐郡行看展驥才九轉丹砂通海嶠四
時蒼樹接蓬萊街盃若對羅浮月清夢須從薜
荔來

上巳郊行次日清明

籃輿不為踏春行
春色偏憐處處迎
風過麥濤驚雉雉
雨收林霧亂鳩鳴
翠圍蒼靄平疇合
綠染輕嵐一帶紫
可奈禁烟逢上巳
花飛又恐逐清明

汝敬姪邀同賓
陽叔叔崑兄飲清風
樓獲瞻混混公
東湖公存菴公遺像

豸史樓臺春日披
登臨肅展舊威儀
經綸肇啓

千秋業迹作兼垂百世師當代品題留翰藻于
今風韻識芳規後塵却媿前修遠瞻仰羨牆幸
正茲

清風樓牡丹繁盛往侍御公每歲宴賞則
先祖必與賡和手蹟具存對花重感

傳道春樓簇牡丹我來猶得一枝看恍疑繡斧
清光動共倚雕蘭紫氣寒觴咏至今留勝蹟追
陪此日罄餘驩揮盃不覺頻沾醉家世相逢樂

事難

承賓陽叔見次飲清風樓之作代疊一章
花檻盈盈舊牡丹玉堂今日喜同看竹林風韻
名增重池草春光夢未寒樂事幾逢尊酒合賞
心偏覺莫年驩洛陽何用誇題品此會家庭更
美難

先君禫期忽屆叔泉兄枉投次荅

謾道援琴強自寬
蓼莪掩涕不成驩
祇緣知己

投佳句信是勞心詠素冠報德獨懷春草恨招
魂空悵歲星寒也聞旦宅荒唐語萬古還誰有
大冊

七月十九夜叔泉兄過宿山居

殘局迎風徹短檠停盃待月吐山城即看縹緲
搖銀藻頓覺清虛步玉京露淨斗牛寒夜氣天
空樓閣動秋聲仲宣辭賦堪回首且共行吟故

國情

即事

連年秋事未全收
四望村烟帶暮愁
閭里尚聞憂盜賊
流亡轉見廢田疇
淳文有道頻蠲稅
龔遂無奇勸佩牛
徒倚不堪中夜歎
林臯蕭瑟黯滄洲

中秋後一日過柏林披閱諸名公手冊若
睹拱壁用舊韵志喜

溪上書樓玉作堂
昔賢墨妙獨深藏
百年儒雅

開經笥五夜奎光繞画梁高護雲霞常結綺縱
成章卧龍莫道滄江老重聽卷阿起

十二 秋柏林待月

荷塵其心行月何相携又喜咲談多尊前有酒
頻中聖身外無心獨飲和招隱不須叢桂曲遺
榮今見采芝歌歸塗野色浮嵐靄却勝山陰一

枝

三建小葺叔泉兄有作次荅

枕牀重開枕碧山高秋涼雨淨禪關拂塵棟宇
生新已倚磴莓苔洗舊顏望遠翠巒雲裏合香
浮丹桂座中攀百年名勝還相待元領仙曹引
上班

叔華弟謁岳傳中丞公賦贈

東行為謁夫人峯望入千山紫氣重潮浦月吟
疑引鳳驛亭風送正乘龍簪裾幕府開談咲尊

但賓筵坐折衝若醉西湖簫鼓罷客心驚起武林鐘

韓集池憲幕再顧山中即席口占

淮上相逢十載前于今蒼鬢兩茫然秋深烏雀
回窮巷地遠蓬蒿剪莫烟澆酒不堪憐破帽挑
燈猶自坐寒氊歸與不盡山陰興重訂鄱湖泛
釣船

九日早入建山馬上賦

朝乘驚馬看山色野樹烟籠淡翠微會與賞心
風日緩徃凌秋思水雲飛携壺正爾披榛莽拄
杖何須歎蕨薇千載地靈今有主坐馴麋鹿共
忘機

同一中象乾飲建山

山寺相携兩度遊晴光拂曙洞雲流平臨古磴
開新菊一望群峯澹素秋鷄犬候門爭躍舞壺
觴竟日為淹留清閒不用逢僧話誰道乾坤更

十洲

寄懷文別駕時乃予以家行

故園搖落不勝秋五嶺風光萬木稠天起鷗鵬
圖海運家隨鴻雁到羅浮晴觀蜃氣樓臺壯霜
淨鷗汀橘柚收若問舊時鸞鷲侶宦情無那戀
滄洲

舟次章門履方履中履直三宗正枉携過

訪分得仙字

重携尊酒訪江邊一咲追驩七載前山色水光
渾似舊朱顏蒼鬢却堪憐祇餘野興增狂態那
有詩名羨謫仙明日逸園容我醉青黎應放杖
頭然

風雨夜警枕上再用前韵效長慶體

一葉輕舟風雨前中宵波浪勢滔天榜人列炬
驚維纜客子披衣勸廢眠纔涉塵勞懷舊業乃
知雲卧即行仙悠悠世道尤多梗歸去重栽白

社蓮

孔陽偕諸姪再過舟中分得東字

章門蕭瑟倚孤篷幾度肩輿載酒同不斷催詩
杜陵兩空懷賦簡楚土風竹林狂客唯中散桂
樹招賢有八公明發依依重回首停雲無限隔
江東

次叔泉兄分惠粉紅牡丹

故園幾載共看花得酒尋詩總是家更喜紅芳

携作伴已含春意欲抽芽託根謾自誇連理弄
筵懸知爛九葩老景不須憐富貴凭闌長此玩
韶華

壽賓陽叔七十九時余將越 闌因憶明

春八句不獲親祝壽筵預致慶幸

八句共慶明春是今日爭誇健有神海鶴並凌
生態遠沙鷗長許狎盟新梅芳飄座催繁管蘭
氣薰尊媚大椿預擬玉京遙致祝須先酌斗醪

相親

鄔孝廉瞻齊枉顧賦贈

駐馬柴門夕照殘
園蔬旋剪細春盤
却憐卜築無三徑
那得交驩有二難
韶景已催花信動
斗光猶射酒杯寒
鳳毛日向長安近
萬里爭看振羽翰

生次孫口占

夜半克閭夢乍醒
兒曹相報再添丁
他年扶老

堪遊屐此日將雛勸擬經起坐縱觀春滿檻喧
呼又喜客盈庭開尊且放中宵醉謾說荀龍共
聚星

賓陽叔明春八旬叔養兄二月七旬邀飲

綏祿堂賓陽叔席上有賦次韵

酒醉春桃夜未蘭剪䟽猶自薦春盤橫經共卜
三鱸毳結社真同九老驩酌斗祗今逢勝事緘
詩遙憶寄長安莫辭秉燭還烹茗坐聽東風峭

峭寒

二月九日鄒文山畏所昆玉邀飲碧雲叔
崑兄偕汝敬諸姪載酒同劉象乾飲別

謾記

拂曙登臨到夕陽徘徊無奈戀壺觴鵲聲遙送
千山喜樹色深懸滿壑光從此去天真尺五即
今交臂豈尋常醉來歲月憑詩紀不用紗籠羨
玉堂

別龍津有懷姜明府李憲伯韓憲幕

昨夜扁舟宿雨中，曉乘新霽御微風。
水光搖漾初開幌，野色蒼茫遠映空。
鼓柁漸驚鄉語異，看山獨聽鳥聲同。
恠來春樹偏多思，回首龍津劍氣雄。

奉姜甬洲先生

子文尊人

非熊不入懸車夢，跨鶴還為舞綵過。
饌取魚鰕湖上足，覽餘山水越中多。
清風晝永娛蒼柏，愛

日庭間玩碧莎
釀林更傳彭澤近
滿傾春酒醉
絃歌

安仁舟中子文追送越酒夜酌口占

停梳烟雨駐黃昏
燒燭看詩酒一尊
元亮白衣寧有此子雲
奇字未須論
颺回搔首千山暝
湍駛驚瀾萬壑奔
却咲平生多癖性
醉狂長自憶
文園

余壯征舟發錦江
實甫章侯再餞江
澣既

抵會城侯適以公事至聯舟章門余草
具邀飲舟中不覺夜分出視明月當空
水光一色怡然神爽復呼酒坐舟首對
飲漏下四十刻矣別後紀述却寄

行杯放舸錦江頭那更章門共艤舟秉燭不知
春漏永開牕惟見月華流濤喧咲語驚蛟蜃氣
壓蒼茫動斗牛為報滌廷徵守相棠陰回首重
悠悠

過松山張遠甫年丈招飲復酌瀛洲亭賦

謝并懷公甫兄

相携追憶別君年握手依依俯汭川
一徑抱溪通綠野平林修竹駐蒼烟
瀛洲縱飲催啼鳥燕市彈冠逕着鞭
春草池塘應有夢乘風鵬翮任
聯翩

寄謝少宗伯張先生

憶昔承明載筆從追隨韋曲兩登龍
片言尊酒

千秋壯竟日披襟萬斛容
桃李蹊成春色滿芝
蘭畹茁露華濃蓬蒿未許開三徑
且遲封侯訪
赤松

匡廬萬仞倚天雄
瀦匯彭瀾九派通
縱浪蛟龍成變化
觸膚雲雨自豐隆
即看睥睨輕塵外
一咲浮湛聚沫中
幾許望洋憐假筏
獨懷短劍向
崆峒

鄧學博携具常山公署即席口占

行子三旬初涉越舊遊又喜對芳尊魚龍夜浪
頻驚峽桃李春風正滿門望裏江山猶故國坐
中笑語盡家園青牛謾說逢關尹紫氣空懸燭
海暎

過武林蔡左丞見麓劉右丞芝陽垂眷同
里招飲湖中移席澄碧軒仍登舟泛月
而還乃閏三月十六是日立夏雨而復
霽亦天假之勝也賦謝三章

雨過湖光入夏新
綠深隄草送餘春
薇垣紫氣雙龍合
萍梗浮蹤斗酒親
雲度曲阿隨暢卷風
回交瀨逐鷗頻勝遊
自屬羊開府欲借烟波寄
此身

急雨初收霽色新
五湖光景駐長春
輕波鷓鴣洗連天動
修竹鶯啼向客親
勝地淹留欣共賞酒
盃寬放不辭頻却慙
鄉曲元無譽空說南
金託許身

招要何異羨登仙
桂擢開尊水榭連
萬頃碧波涵迢照
千山佳氣入芳筵
林霏延暝還移席
湖月流光共叩舷
歸路滿街渾皓白
却疑人在剡溪旋

查孝廉伯光邀同仲子仁卿客部飲湖中

偶值風雨

不緣風雨妬芳遊
為愛空濛興更幽
山色有無雲出服
塔輪遠近寺沉浮
全銷酒態平濤壯
襍

聽歌聲草藹收岼正汀蘭紛入座六橋烟景自
千秋

過攜李方良珮別駕招飲烟雨樓

幾年離別此登樓壯志相憐對蒹葭握手驚疑
春夢杳啣杯吞吐莫雲流萬家雨色連城動一
片湖光倚檻浮身世不須論出處烟波縹緲任
輕鷗

不佞族同鄉林先生雲間詹濬源使君邀

飲東園賦謝

含香起草白雲端領郡行春靜海濶豈謂閭奇
緣邂逅頃令傾蓋結交驩東園喜奉高軒過北
斗光搖寶劍寒霄漢即看回五馬翩翩紫氣動
長安

過廣陵別劉別駕

淮海相逢越十年驚疑握手兩茫然莫將容鬢
嗟今昔一訊鄉園幾變遷世味更諳陳迹淡宦

情獨向荆緹憐周流欲擬河渠迷水使先聲已
著賢

伍以大年丈席間見示吳明卿先生贈童

次賦

謾云焚草且逃名財賦東南屬舊京杼軸半空
憐履屨淮揚平隼總持衡中原意氣歸吾黨四
海交遊識世情莫問仲舒繁露傳賜環指日慰
蒼生

奉周山泉少司馬中丞

遙傳旌節八閩回
司馬中原重鎮來
經略東南全賦入
指麾清濁兩河開
察眉猶自勤封事
造膝行看總庶裁
宵旰祗今勞社稷
老臣延攬咏康哉

辛卯初度 癸未祗役舟中初度

九載重來謁 聖明又逢初度愧浮生 君親未效涓埃報家國空懸去就情屈指知非今有

幾捫心補過竟無成頭顱莫問看孫子尊酒聊
隨短棹征

寄廣陵支汝賢

汝賢年丈解組西歸僑居廣陵余辛卯
北上握手道故別後却寄

越江遼海幾驅馳不道才名獨負時
蒼苔豈應歸馬援扁舟元自汎
鴟夷乾坤到處沙鷗狎得
喪那泛塞馬知何日烟花重醉客
廣陵一曲北

心期

次安德同舟徐太學用隄字見示次荅

亭午維舟坐柳隄
葛中碁局日相携
望回氣色中原迥
順放檣帆夕照低
歸詠風雩親入魯
表揚海國憶歌齊
一尊浪作清狂計
銀滌盈盈鳳闕西

六月度天津兵憲彭秀南邀飲北樓賦七

字句為贈

獨擁貔貅控上京
飛樓縹緲俯曾城
烟霞長駐蓬萊近
冰雪懸凝茶戟生
授簡登臨多賦客
嘶盃睥睨抗時名
東南萬里朝宗地
指顧遙連海岱清

將次潞河徐太學賦別次荅

偶向春江共問舟
猥云仙侶重千秋
羈懷幾許懸鷗渚
佳氣初瞻入鳳樓
清晝一尊還坐隱
塵綬四海此生浮
看君寶劔凌霄動
老我金門自

白頭

入京送楊直卿都諫得請西還

一別相逢十五秋故人無奈戀西遊
岷峨遙引燕雲動霄溟懸看隴月浮
不用解嘲居隱几何須問卜泛虛舟
邊陲日日勤封事若過三秦肯借籌

中秋獨坐述懷

獨坐虛堂萬籟清空階溥露薄寒生
九年再見

長安月永夜遙懸故里情短髮自憐甘寂莫腐
儒何補入承明霓裳羽曲天街裏鼓角曾城雁
數聲

壽銀臺李賓之年兄母程大宜人八十二
時再膺封誥

銀省委蛇躔晝遊版輿周覽歷皇州蓬萊春送
宮緋麗渤海雲連紫氣浮愛日更宜清夏永樹
護共羨北堂幽從容為問長生事八十年餘始

著壽

柳陰結軌御軒遲
絲竹駢羅引壽卮
黃鳥喑喑鳴施
葛白華粲粲侍含
飴重闈猶憶承歡
日倚膝深憐晝
荻時再頌河山
宜象服會看三
錫慶瑶池

寄壽賓陽叔八旬

早謝傳經侍壯堂
壯心皓首更飛揚
家聲親見三朝舊
壽酒羅襦四代觴
引興園林供麗藻
結

盟筠栢共青蒼老成端為吾宗慶健履爭誇百
歲強

長安回首混風塵遙憶南陽景物新春事正逢
初度早年芳偏與故園親看雲縱步頻穿徑對
竹清唫獨掛巾金馬謾云堪大隱歸來重為賦
靈椿

送吳南洪左遷分水

明光得意五雲開投杆空令燕雀猜謾道一州

如斗大再飛雙鳥自天來中分江水桐廬下獨
擁山城石柱迴此去不須琴鶴侶滌廷物色子
陵室

送憲僉黃善卿之滇

萬里滇南攬轡行城頭驛路聽鶯鳴寧為仗劍
辭知己獨罷含香下玉京諸葛尚傳遺節制漢
皇今不鑿昆明遐方雨露須霑早莫道風霜五
月生

送胡允垂備兵東萊

十年司馬署仙郎分憲提兵鎮海陽
紫氣三山搖棨戟滄波萬里洗攬槍
羽書正爾傳玄菟象譯還期貢越裳
尊俎宴閒氛祲淨坐觀旭日上扶桑

鄔瞻齊為其先中丞請卹南還賦贈

剪燭披襟且倒尊明看行色動都門
休憐獻賦無媒徑却喜陳情有主恩
馬鬣題封天語重

鳳毛長價帝綸溫重來一日驚千里報國應知
世德存

鄔能夏南還附家報感懷

風塵何處息機緣憶別家園頓隔年送客不堪
羈旅恨緘書無奈積愁牽雲藏古寺僧偏占苔
鎖空亭鳥獨還為報菊松須有主潛夫早已待
歸田

送李維實年丈擢守清漳

畫省兩都推起草朱輪五馬待行春
專城禮重諸侯貴出守符分滌殿新
此地繭絲空杼軸海邦保障控烟塵
不須異日甘棠頌早已賢聲著拊循

張治禎年丈復有溫陵之命賦贈

十年消息兩差池此日重逢對酒卮
休問除書仍理郡尚懷封事獨憂時
朔方烽火搖關塞樂浪檣颿救島夷
心折豈緣遷客動願回攬轡奮

驅馳

六月四日

賜鮮笋述懷

時叨侍講筵

嬾朝高枕夢初醒
玉筍傳頒為說經
自省韋編慙素業
空霑珍賜出前廷
牙籤日報陳新牘
溫樹雲連擁御屏
恭默極知無寸補
竹籬野蕞憶山亭

送胡孟弢之沅司諭

五陵裘馬自相羊
彈鋏翻令咲楚狂
海內知名

傾白雪坐中能賦奏長揚參差夜發魚龍動蘭
芷秋浮佩玦光莫道雄文無薦達洞庭廣樂待
君張

程孟孺卜居擬過訪阻雨不果先此代簡
玄齋改卜禁城西苑樹參差望欲迷染翰雲連
雙闕動銜孟月傍九霄低却憐萬里同為客豈
有南枝得並棲

余昨歲入京
就居于此

羸馬不堪衝雨過

一尊何日許重攜

九日陳伯咸蕭以忠設具玉隄園亭劉文
光黃思立葉克慎徐獻和張治禎曾舜
徵吳元質同集鄒汝光偶恙不至舉盞
插茱萸少一人之句見遺諸友因用為
韻并藍田寬字賦二章

園亭深隱玉河濱秋色平連禁苑新同榜一時
多宴集他鄉九日倍情親夕陽征鴈遙憐影小
徑寒花故傍人歸擁馬頭懸露月天街凝望淨

烟塵

此日登臨興自寬
百年萬里幾同歡
一官牢落堪招隱
兩鬢刁騷任側冠
鼓角聲從雲外壯
關山遂弄月中寒
長卿何事猶淹病
仙掌遙懸五夜看

送文別駕之括蒼感懷青田先生先生曾
丞吾邑傳其秘書得諸邑之異人

萬瀨湍洄麗水濱
括蒼西望玉嶙峋
星屏共領

專城重露冕分行十縣春
公暇青田堪訪古秘
存黃石豈無人少微
隱暎江天外為道匡時早
致身

送謨國範年丈宰松溪

伯仲當年許並驅
彈冠今日慶雙鳧
地連閩越饒風土
邑擁山溪簡傳厨
春御板輿花滿縣
晝行桑陌雉將雛
龍光五袂衝牛斗
知是神君領

淇廬

邑有淇廬山

新安葉長源工詩翰尤精篆刻漢章與程
孟孺友善邁會長安數月將遊晉梁楚
越還家以詩留別乃邀孟孺同飲次韻

答贈

燈前尊酒對殘花朔氣寒光澹物華短褐共憐
誰抵掌長歌自放獨摩牙晉梁歲晚知投轄楚
越春深憶到家海內交遊多墨客携來詞賦更
堪誇

題徐海石侍御尊人壽冊
號慕遽任海陽
司訓告歸養繼母侍御時按北關

自許平居衛大夫海陽猶復羨蘇湖百年吾道
唯舒卷千載諸生識步趨皓首御輿慈母養皇
華攬轡嗣君圖行關紫氣隨驄馬懸望浮丘倒
玉壺

次徐龍洲太學咏菊

蕭條宦况晝扃堂試買黃花綴晚粧剪燭細看

秋色淨把盃同味歲寒香客心照落城頭月歸
夢驚殘雁背霜三徑祇今誰為掃林臯踈葉下
回廊

送徐獻和督學閩中

儀郎鳴珮下楓宸握憲衡文綵八閩五夜寒光
浮劔水千秋寶氣合延津鷗鵬獨運圖南徙鄒
魯重看誦臨泗濱吾道中流航一葦狂瀾砥柱更
何人

送孫應池之唐邑宰

玉人秋浦勝河陽况乃名封古帝疆到日絃歌
鳴蟋蟀經春桑柘蔽牛羊門閒五柳惟長嘯坐
理南薰不下堂却恐前身是勾漏天風雙鳥正

翱翔

送玉南垣宰南部

閩南勝事天下稀山堞江城曲抱圍沙際春浮
蕩漿過溪頭井沸負鹽歸雲懸漢樹丹椽迥月

唐詩卷之八
卷之二
傍秦關紫塞微莫道伶俜已十載
雙鳧重見出彤闈

送劉別駕治河歸德

淮海舊稱滄水使河渠仍復借睢陽
嵩封雲動連芒碭泗鼎光浮引汴梁
半刺春風閒案牘一庭秋月湛冰霜
親知此日平分手吏隱生憎羨楚狂

送喬裕吾給諫使肅藩便道歸省

掖垣地切鳳池傍
橐筆詞臣拜夕郎
趨陛風生供奉草
分桐雲擁列侯章
千秋祝罷稱家慶
雙壽筵開集羽裳
立馬西陲多感慨
早携封事達天閭

壽壯山翁蔣乾初尊人

羽扇綸巾酒滿尊
肯將華髮向都門
春携陽羨來南國
月傍秦淮即故園
不問祠官封禪草
却憐蔣徑菊松存
凜廷正急商山老
莫道冥鴻久

出樊

贈祠部蔣乾初考績南還

周官禮樂宗岐鎬漢殿衣冠祖沛豐一自金陵
開帝業萬年秩典奉祠宮月遊原廟祥雲擁袂
集靈臺絳節通最是仙郎虔秘祀何須汾水咏

秋風

留別曾直卿大司成

重來不厭舊比隣晨夕相過倍轉親蹤跡十年

勞物役乾坤雙眼任風塵青山入夢仍淹病白
髮驅人故乞身會集鳳池勤補袞好客林下有
垂綸

留別余世用宮諭

相携回首憶當時逾壯年華已並哀海內交情
真更切天涯病骨強難支蓬萊日近孤雲遠薜
荔秋深倦翮羈竚聽征鴻知有問柴桑濁酒正
堪醒

留別馮用韞宮庶

會面偏憐契活多寸心欲折動驪歌
季鷹不為思尊去司馬其如善病何
世路幾堪尊酒別沙鷗猶識片帆過
同門萬里看高舉莫負春山卧
薜蘿

賦得中秋月為余世用五十壽

仙掌擎空御紫鸞冰輪安穩駕雲端
香飄桂殿金風細曲奏霓裳玉露溥
星斗避輝天上迥蛟

龍潛影海珠寒懸知九轉靈丹就長擬千秋寶
鏡看

鍾英陳丈陳師芝田先生仲子來訪京邸
值余請告南還賦贈見情

躡屩何來萬里遊相携一顧重悲秋生前自分
甘塵釜身浚還誰濟麥舟感遇未能酬國士官
情今已屬滄洲家聲却喜傳清白莫負當年問
寢丘

病中屢枉鄒汝光携具過訪賦謝

既病誰憐對酒尊枉携頗喜過高軒
莽紛世路迷醒醉寂寞交情見弟
弟茗椀傳冰燒短燭露華浮月度千門
儘看佳氣長安動無那秋風憶故園

題比部王性軒母毛孺人柏舟卷

王名建中上饒人母二十守節旌揚二
次歿贈孺人

廿年自許未亡人，縞素甘荼四十春。
調餽孀姑潛飲涕，斷機孤子怯傷神。
生前忍道榮君賜，地下相從寵帝綸。
夜半烏啼霜月曉，柏舟新咏欲沾巾。

河水尚溢南風日，競中秋阻宿甄。
河對月有懷諸丈。

扁舟南發已經旬，秋水平添濁浪新。
誰道石尤風愛我，獨憐渤海月依人。
參差樹影連檣動，演

漾波光送酒頻夜冷魚龍甘寂莫鳳城回首一
傷神

將至泊鎮先簡劉文光年丈

故人只尺一開顏伐鼓鳴榔興不慳幾夜德星
占大史清秋紫氣度函關久拚北海傾尊倒莫
問南洲一棹還擊筑高歌辭舊侶白雲祗恐負
青山

余世用八月十九日壽五旬余既賦中秋

月為贈南還不及稱觴是日適度瀛海
有懷却寄

君年五十我知非君住金華我獨歸瀛海月懸
鳩鵲觀長安秋送薜蘿衣瑞芝虹渚通丹籙喜
識天顏儼絳緋白首壯心期不改猶存几杖北

山薇

度清源得劉別駕訊以詩見贈次荅

清源衡水一相聞
尺尺秋波挹令芬
公暇尚懷

南墅興歸與猶愧北山文恩深 聖主身難報
夢斷親知手易分丘壑元來存野性江湖空自
說憂 君

黃文叔北上相遇于淮追憶癸未飲別清
河垂一紀矣悵然有作

醜酒清河十載前重逢雙鬢問誰玄強支病骨
燒殘燭起視波光動遠天京洛回看江月迫櫓
檣背發海雲邊吹嗟自有長楊賦莫厭文章老

鄭虔

淮上逢沈少卿適有關中督學之行并贈
相逢忽謾輕分手憶別于今十二秋
指顧西河橫積靄徘徊尊酒散深愁
東臨淮海狂瀾障西望秦關紫氣浮
回首五雲應只尺鳳城春曉動
龍樓

次寶應先寄李汝培

蕭森秋氣滿江城
搖落那堪尚遠征
露下獨依

沙渚宿月明何處玉簫橫故人幾共滄洲興良
夜須謀斗酒傾莫向五陵問裘馬當年抗疏薄
功名

歸度廣陵簡支汝賢

憶昨觀濤步月橋重來還擬醉通宵祇緣地主
爭投轄恠底官曹懶折腰縱飲千秋空睥睨倦
遊五岳恣招邀丹楓兩岸將歸棹遙聽寒江落
莫潮

次酬陳石海

原任比部以廣西南寧郡守致政寓維揚

淮海初傳賦卜居白雲舊草重周廬神交却喜
逢傾蓋病廢空慙說著書劍合雙龍餘氣色車
懸五馬款郊墟片言尊酒邗溝月野鶴汀鷗烟
自如

遊烈山

在江中上有佛堂水神祠

細竹團烟點碧波蒼梧踈柏陰青蘿一拳石湧
安龍鉢萬疊濤迴浴鷺渦潮送晨昏雲外度帆

懸日月鏡中過江空倚睨遲歸棹隔浦漁舟起
暮歌

采石謁謫仙祠

謫仙遺廟枕層巔滿壑虬松駐紫烟檻落濤聲
驚白雪江涵山色吐青蓮浮雲蔽日長安遠片
月中天斗酒懸欲賦招魂鯨怒吼九關虎豹正
當前

至日皖城舟中用杜韻四首

留滯扁舟獨倚牀
數聲哀怨鴈離行
何人此日書雲物
不寢空宵想御香
燕谷陽回開象闕
楚山春動緝蘿裳
計程應說匡彭近
五老招邀引望長

金華虛憶綴仙班
幾許橫經候聖顏
只尺却疑清蹕遠
優游尚沐寵恩還
春明回首寒烟外
夕照停梳薄霧間
不盡江濤驚滾滾
閒心聊寄白雲山

石... 卷三
至日南風喧濁霧皖城猶滯未歸人迎陽驚訝
春偏早羈旅全憑酒自親褰鮓細葷諳土味張
犧分賚憶楓宸 主恩浩蕩容高卧却咲柅源
遠避秦

思家迢遞夢中催歸計遲迴萬里來宮線引長
增歲閨鬢絲漸短覺心灰寒荒三徑無餘菊香
滿疎林有老梅故舊于今聞尚健相携一咲且

盃

衝風

風黃日淡浪堆銀岸駛山迴
總未真歸思望中
橫逸興輕帆江上輕飛塵
不辭欹側安夷險自
信浮沈遠隱淪世路幾經
今老大故園卧穩薜
蘿春

望小孤山

薄莫征帆逐浪開
小孤縹緲烟臺六
鰲虛訝
三山杳一柱疑從
九派來湖海襟環
浮漭沆蛟

龍蟠踞壯風雷登臨未遂頻回首夢倚雲根埽
碧苔

同伍以大年兄飲石鐘寺石壁有陽明

先生荷簣之什并懷同年段子明

驚湍激瀨沃蟠根徑是城尖竦立尊洲合江湖
懸倚檻雲開廬阜直憑軒市烟半壁晴含雨石
棧連甍坐欲奔盃酒頓浮空界外還誰荷簣更

過門

歸舟到處恣探奇更喜芳遊共舉巔絕壁倒垂
蹲虎豹孤根深蟄走蛟螭披衣洞口流雲濕擊
節鐘聲滿壑馳領取東山誰是主可堪乘興得
追隨

莫過鞋山

誰遺隻履下天風片石嶙峋擬躡空步引海雲
匡阜擁踏穿江月斗牛冲古今變態山龕外飛
躍縱橫水鏡中搖曳櫓聲催旅泊蒼烟淡駐落

霞紅

湖中望廬嶽

十年曾到寂高峰一望龍從興轉濃便欲乘風
揚片席應教撥霧挾雙筇寒光澹蕩催殘照短
景依稀起暮鐘冉冉白雲凝不散北山祇恐愧
塵蹤

鹿洞紀遊

石淙濺玉洞雲流萬壑縈迴一徑幽地迥衣冠

猶舊像天清鐘磬自鳴球蒼涵蜿蜒湖光曉翠
削芙蓉嶽色秋千載低徊尋勝蹟願泛麋鹿與
同遊

遊鹿洞曹郡理吳明府交致酒饌同高周
二學博飲聞泉亭

奔流倒峽轉泓渟寫入松濤滿澗亭尊酒重開
勤地主片雲徐拭對山靈坐通呼吸收群籟興
逐清冷咏獨醒欲向子期還奏曲寒空黯淡鏤

巖高

唐宗堯由滇入慶歸壽太夫人八袞卷題

祝君壽母索賦

萬里昆明擁使旌千秋金鏡祝長生懸瞻宮樹
連雲動省覲堂護向日榮春酒遠將分御醕書
遊躬養緩王程穆如共擬遄歸頌早奉潘輿入
鳳城

雨中書懷

闌風伏雨釀春寒。強啓蓬門岸鶻冠。新徑荷鋤
因罷築。舊花倚砌未全安。詩書半卷猶懸架。親
友稀逢幾放歡。却咲歸閒空自老。霜莖添向鬢
邊看。

送陳俊卿守保寧

使君五馬舊行驄。春滿輜軒入閩中。卧理故應
煩長孺。剖符今復見文翁。地形繡錯巴江麗。雲
樹天懸劔閣雄。詩草新傳題咏史。千秋蜀漢采

遺風

三相堂開古柏森
台星巖下喜追尋
承家文物聯華胄
領郡風流播好音
設說驅車臨蜀道
定知露冕覆棠陰
漢廷太守元增重
出牧猶懸攬轡心

送劉翼吾宰開化

寒散青氈下楚湘
春明錦綬拂嵐光
一簾官舍琴書靜
百里山田粳稻香
定使閭閻還揖讓
須

知鷹隼後鸞鳳
聖朝愛養徵循吏
雙鳥行看
入建章

上元雪

春光疑不到山家
積雨凝寒妬早花
夜擁殘爐
燒蠟炬
曉看薄雪散
瑤華
嬌陽尚怯
全開霽濁
酒初歸
未易賒
回首天街
調玉燭
君王肯御
六龍車

壽賓陽叔八十二

八十今朝又二年春光如對隔年前吟懷倍壯
渾忘倦酒興偏寬自得全咲語凌寒催淑氣鶯
花鬪雨簇芳筵追隨便覺風塵遠何用丹丘更
訪仙

寄李汝培

一月寒雲黯不收憐春何處采芳洲林深洞口
長携屐雨過牆頭又喚鳩淺淡藥蘭扶紫玉低
徊松徑倚蒼虬醉來放杖馴雙鹿猶訝邗溝並

棹遊

二月朔賓陽叔誕孫予先以夢告茲聞踴躍口占為賀

重闈佳氣襲蘭湯試聽啼聲喜欲狂春仲更兼逢月吉寧馨爭睹集群芳先泛夢報看如玉忙寫詩疑錯弄璋却羨靈椿添不老抱孫長共醉花王

先有慶牡丹之約

次賓陽叔誕孫見示之作

招邀幾度醉芳年，頓覺氤氳滿眼前。
多壽獨誇才力健，傳家今見子孫全。
咲顏相對迎花檻，霽景初開爛綺筵。
為語春光共流轉，長看歲歲擁群仙。

徐夢得謁選北上枉顧山中

歸來三徑已荒蕪，門巷空餘鳥雀呼。
懸榻喜逢高士下，問竒能愧草亭無。
御輿彩鷁春江度，賜履仙鳧曉漏趨。
為報長安舊知己，支離何事著

潛夫

上巳喜熊汝捷年夫至

嬾性幽棲戀故林
小車花下喜追尋
郡中同榜憐星散
世上浮名咲陸沈
春日正宜成野服
蘭亭何必問山陰
園蔬濁酒頻酬勸
莫負嚶鳴送好音

入夏苦旱栽植幾輟
四月望日步禱雷祠
祠前湫隘願廣營數
武以祈雨澤是日

得雨滂沱連日夜原隰沾足稼事幾畢
十九日詣謝書此以昭神貺并望惠于
將來

步雩攀陟躡層巔應禱甘霖徧野田自是神功
能潤物豈緣綿力可回天察眉不盡蒼生恨仰
面端為赤子憐願廣階前方寸地長棲松下樂

豐年

為劉象乾賀吳南洪季子入學

洲合鷺鷥鍊石洪扶搖三鳳御雄風明經世喜
傳劉向通好重誇識孔融立見崢嶸先露穎橫
生恣態欲行空相芝刺史新招隱剝倒清談有
阿戎

送新昌令何振海入覲

四郊藹藹貯棠陰誰識三年撫宇心綬綰寒星
雙戶動庭空涼月一輪侵山城拆靜絃歌滿谿
谷雲派粳稻深會送仙鳧歸禁闕懸看竹馬迓

江潯

劍雲岳侯入 覲適當考績賦賀

尚方曳履集公車親對明廷奏最書主計獨先
勤撫字酬勞何必借吹噓彤雲日麗丹楓曉湛
露春濃紫禁初歸向長安移淑景陰陰森李徧
郊墟

嘉平十有一日碧雲懸額先夜雨聲徹旦
有興曉發忽見舞雪及抵山半白雲四

合恍若仙境謾賦一律

昨宵鳴雨徹不寐曉起衝泥怯筍輿忽謾瓊花
散空界頻驚瑤島混清虛虬枝低偃玉鱗甲蟠
石交抱銀蟾蜍便欲乘雲訪姑射何須却走嘯
赫魚

元夕前日雨

莫雨行雲曳遠空霏微山色有無中護牆種竹
移新翠繞徑巡花見小紅燈火明當開萬戶陽

和莫自負東風似欺春酒爭寒峭醉眼醒看曉
日曛

元夕喜晴前有陽和莫負東風之句

東風拂曙散輕陰山鳥相呼競出林佳節自應
回麗景陽春果不負知音青顰柳眼寒初展紅
染花脂暖漸深懸想千門開紫禁六鰲抃舞翠
華臨

二月九日雪

時迫留雍之後

壯陽無力破寒威，積凍經旬又雪飛。
紛藉搏空妍奪素，飄揚入座潤沾衣。
尋常濁酒醜顏駐，只尺青山皓首違。
却憶孤舟垂釣者，羊裘何事負漁磯。

十日又雪已屆春分

來朝春事已平分，積雪寒深集凍雲。
盈尺應時元表瑞，連旬愆令轉為氛。
歸鴻影斷疑留塞，好鳥聲沈自惜羣。
莫道陽春多白雪，四郊愁歎不

堪聞

張青徠之閩便訊山中賦贈

肥綠深紅鳥自呼
遙傳谷口引前驅
光搖繡斧初除徑
小摘園蔬旋滌厨
海島晝喧迎竹馬
幃帷春動集臺烏
主恩尚憶含香草
再入承明有繪圖

文別駕佛誕日壽七旬

瑤池瑞靄接西天
浴罷如來慶大仙
却道前身

疑夫六不知閱世幾三千抽簪華髮憐今日習
隱金門憶昔年司馬倦遊堪結社數峰蘭若對
玄蓮

泛鹿洞遊開先

絕壁雲飛出洞深筍輿迢遞度叢林山僧指點
前朝事實墨流傳萬古心蘭若一峰懸雨色錦
屏千疊駐松陰鐘聲夜半驚回首杳靄香爐紫
氣沈

江村

茅屋臨江樹蔭隄柴門草色綠萋萋
畝畝布穀驅春犢筐筥提壺亂午鷄
眉宇扁舟渾欲起吾廬柴木正堪棲
巾車喜遂看雲興歸向東臯獨杖藜

履中王孫再訪山中有作次賦

睠顧幽貞迓舊廬閒居不用絕交書
通家忽枉朱門客陋巷重回皂蓋車
樓幔垂雲春事暗檐

花亂雨夜堂虛携來詩卷論尊酒細韻松風滿
壑噓

五日

雨足郊原四望新疎烟輕靄散風塵山居五月
全無暑徑繞群花剩有春乳燕鳴鳩聲自喚泛
蒲懸艾俗相親不緣休沐逢明主那得清閒
復此身

歸來西度逢重五共醉尊前幾舊人華髮暗催

卷之七 雜詩 老
雙雪鬢青山相戀一綸巾上皇夢到薰風枕中
散林藏別鳩春續命不須長繫縷楚騷何事怨
湘濱

急雨

是日村社穰田

急雨飛濤白晝昏垂雲莽莽失江村綠侵草岬
荷浮曳紅壓苔階花倒翻歸鳥無聲山暝合奔
流轉闔谷爭喧穰田先為汗邪祝負襁耘耔待
舉瓊

送張宗欽守池陽

秋浦澄空郡閣開
九華平望鳳皇臺
署中勒陣千營壯
江上擎帷五馬來
到日黃雲隨藉稻
行春綠雨駐官槐
當年早擅循良業
師帥元非百里才

送張青徠少叅之滇督課鹽井

春色曾將到海濱
昆明萬里入秋旻
經營莫憚勞王事
叅省應知屬重臣
井稅遙聞全異昔
科

條寬布定更新 聖朝不遣浮槎使金馬
遄歸
報 紫宸

代臨江分守陳國瓚和南少司寇謝繹梅
中丞遊白鷺書院韻

青冥斧鉞下中流白鷺橫江有二洲賦就兩都
兼執法襟期千古一登樓霜風畫旌旗壯春
草先舒犴狴愁坐鎮安危謝太傅東山無事憶
林丘

東方歸騎駐河干水爭沙明萬頃寬道院追陪
參幕府鄉書忝竊附辭壇中天皓月高歌動一
曲陽春屬和難俯仰古今留勝蹟長懸紫氣斗
牛寒

送新昌尹何振海考績

宜豐春滿縣花開高第遙聞課最回單父喜今
逢必宰武城誰復是澹臺史公欲紀循良傳漢
殿先徵卓異才遺愛獨留黃皓口去思早已重

徘徊

謝靜齋應貢北上過余山中同謝皇弼飲

別

少年同學咲同貧
狂態翩翩轉自親
此日故人重聚首
看君得意獨逢春
廣文莫厭青氈冷
司馬先憐白髮新
坐聽征鴻皆北向
上林槐李正芳辰

夏日

當軒隱几夢初醒
卓午花陰穩覆亭
兩腋風清生茗椀
數峰雲淨照榴屏
階空瓦雀時相狎
地迥柴門晝不扃
縹緲晴光浮綠樹
倒涵蒼翠漾踈萍

八月舉子謝皇弼劉象乾過賀因留同賞

中秋

雨過千山月色新
澄空萬里淨風塵
歌聲催轉銀河曉
酒盞頻傾玉露春
遲暮添丁堪自咲
交

遊垂老更相親不緣家事區區爾那得今宵聚
故人

閏中秋

丁丑迄今兩度

廿年再見兩中秋回首長安憶舊遊月色似應
憐白鬢風光原自戀滄洲却看空界浮銀闕誰
道明河隱鳳樓野興于今渾不淺醉來直訝汎
虛舟

偶成

雨過踈畦曲徑新
繁花當座剩留春
持醪獨酌呼山鳥
荷簣行歌聽野人
生事碁枰隨藥裹
心期藜杖伴綸巾
白雲冉冉閒來往
長護松陰覆四隣

十月陰雨三旬

一雨三旬暗小春
山居蕭瑟轉沈淪
荒苔屐滿愁侵蠓
野屋烟銷歎結鷓
鴻雁杳冥滄海徼
丹楓浪藉莫雲津
負暄空抱窮簷恨
那得柴門日

色新

丁酉五日飲叔華涵虛樓

晴光澹蕩入年新積凍全消萬象春
細草池塘初對酒虛窓星斗動
依人風前鼓吹催梅柳江上松篁
揖主賓謀醉每泛諸俊秀良宵不
惜勸酬頻

初春泛諸昆泛連飲劇醉

十日春光任醉鄉酒人何必問高陽
老梅谷口

浮香動棣萼樓前引興長
醕酖不知蒼鬢短留
連翻咲白鷗忙徧巡花徑
含新蕊已辦青錢待
倒觴

雨中聞時事有感

誰道陽春散大寒
經旬風雨凍仍殘
流澌咽浪頻驚枕
空谷番雲獨倚闌
青眼不舒江柳恨
丹心却抱檻花看
蹉跎一任年光轉
兩鬢蕭疎愧素餐

送張南郊應貢壯上用杜句跋端

童稚情親四十年趨庭舊地宛依然却憐拙宦
慙知己獨喜承歡睹象賢春水魚龍隨棹躍秋
風鴻雁聽書傳即看花信長安動為報鱣堂玉
樹妍

壽張陽山長者

即南郊尊人

當年早已大于門聞道槐陰綠轉繁高第明經
誇令子長楊獻賦有賢孫薰絃自撫南陔曲春

酒頻傾北海尊鶴髮烏紗鳩杖穩相將健復拜
新恩

履方自臨過訪先承惠酒

一水盈盈龍鳳洲王孫芳草恣春遊
濤迎白雪携詩卷袖拂青萍仗削緹
載酒自尋揚子宅馮
虛同賦庾公樓山中謾道占星聚
回首藜光動
斗牛

次履方先訂看花之約

病裏逢君一破愁
樓頭雨色亂雲流
香浮花塢能畱客
山媚蘿軒可坐遊
未有清尊傾北海
暫將塵榻下南洲
陰晴莫為行期卜
深樹鳴鳩尚不休

次履方宿來薰軒

倒履相迎衣帶寬
幾回悵望在河干
坐看花事憐春莫
誰共詩盟結歲寒
追憶壯遊成老態
故知今雨妬雲殘
淹畱只恐無長計
踏破蒼苔獨

倚闌

履方座間談及孔陽王孫誰園却寄

杜門向日檢方書忽報花前駐小車不信觀濤
眉宇動豈緣入室病魔除竹林風景知無恙樗
櫟天年樂有餘問訊誰園誰是主乾坤納納揔
遷廬

藥闌

黃鸝初轉藥闌新兩徑交加照水濱紅冠綠鬣

雲在掌白含丹暈玉為人芳菲莫恨嬌無力風
雨休猜護有神自是山家藏物色却疑遙對紫
宸春

賀象乾子惟肖游泮

滌芹香動水雲蒸博士新將弟子升期逼九秋
生羽翰息苙六月運鷓鴣清風政雨三劉遠家
學須知百世興自是玉堂清瑩後長看棗葉有

孫繩

壽范小泉大叅八十

歸來賦就倦西遊野鶴汀鷗杜若洲陶菊正逢
開九日莊春初度介千秋駐顏健節休浮蟻涉
趣凭輿不杖鳩仙子種蓮騎象到何須万外訪
丹丘

九日壽黃靜所六十

時為枯孫師

淵明身世兩忘情日月依辰亦愛名正喜黃花
逢六袞從來絳帳幾諸生洞庭越嶠携遊屐壇

石鍾陵坐獵纓取醉莫辭林壑晚懸看炯炯有
長庚

送郡丞楊心泉入覲

綰篆六年兼郡邑朝天兩度入承明諸生共
喜宮牆壯赤子爭傳渤海清空閣春風番碧落
圖書夜月照嚴城議曹不用虛推讓前席行看
拜水衡

送邑侯陳賓華入覲

百里山城賦伯千征輸更倍有誰憐瘡痍獨拊
紆籌策勸課偏勞損俸錢何日斗升堪活鮒即
看闌閨共鳴絃定知繪圖聞明主竹馬重迎
早著鞭

對雪

嬾安兩鬢又逢春雪裏園林遠世塵玉筍冰盤
看富貴蒼松翠柏著精神雲濤欲破晴光動樓
幔初開野色新漫興獨吟詩送酒凭闌惟有鳥

親人

二月七日謝吉甫夜坐數語次日雪戲題
惟來昨夜輕彈指早起山城漫雨花寒戰風枝
渾未定縱觀空界皓無涯松脂旋藝初傳火菜
甲聊供細剥芽階下雙鳩馴不語且傾濁酒醉
為家

軒前花下自生菜一本經冬霜雪不敗春
花爛熳花晨無花獨對酌酒

無花對酒漫周遮
咲倚階前看菜花
豈有黃金堪布地
故依蒼蘚浪垂葩
獨經霜雪蟠根壯
不費栽培傍徑斜
一任狂蜂恣來往直
畱滋味飽山家

重集叔華涵虛樓

牡丹開過藥闌新
倚檻重携玉露春
雨色浮空山縹緲
池光搖燭夜沉淪
留連只為年芳惜
諧咲惟知酒盞親
却喜家園多勝會
花前同醉幾

經旬

送春

山城此日又春歸
綠滿郊原草樹肥
風雨時聞鶯出谷
柴荆猶報客敲扉
藥闌初吐堪乘興
酒盞頻傾任典衣
花下幾經同笑語
莫將短髻負芳菲

謝皇弼六十

相携轉盼鬢成絲
意氣翻憐少壯時
初度政令

逢耳順百年長許赴心期
花前有酒休辭醉
身外無窮莫浪思
只尺來薰堪杖屨
羲皇白日對
措願

重修篠陂橋及兩堤工成同諸兄弟姪志
喜橋原架木大司成夢坡公首事始易
以石而侍御存菴公所修永利下閘去
橋只尺隄據上流要害故并修之

侍御千年垂永利
司成當日奮題橋
隄防更喜

連雲石結構重看樹錦幟銀漢月明浮碧落玉
虹秋霽接丹霄龍城自昔多形勝指顧江山入
望遙

因視橋山詩同諸泛集飲溪頭

溪流迴抱潭潭遠津樹參差護野橋
駟石不須來海嶠
老漁樵平疇玉立看群鷺
萬里風禱
日隣家
頰餉酒醉豪無用解
金貂

寄張青徠憲副

時駐衡陽

七十二峰誰是主
舉帷紫氣擁芳洲
萬年松露清
乘雀三楚江雲接斗牛
秋憲府高看列柏春
明門近聽鳴騶
湘君要眇浮蘭漚
搖落空憐賦
遠遊

壽鄒文山七十

玉樹娟娟翠柏堂
于今獨自占年芳
酖顏長喜
仙桃醉健履爭誇
海雀翔蒼鬢却憐
堪結社碧

雲幾度共傳觴八千正擬莊椿壽又見芝蘭雨
露香

劉象乾與余同補諸生癸酉余忝鄉書兄
亦副選今忽耳順矣稱觴之日賦此見

情

同遊錦水賦菁莪曾共西江叩角歌蘧瑗即今
行化境劉蕢愧我獨登科春花幾載淋漓賞
雨孤燈咲語多老驥莫忘千里志歲寒松柏自

青柯

寒景

鬲發催寒釀曉霜晴光杳藹淡烟黃林疎鳥雀
爭枝噪谷靜松篁引韻長恰椽儘堪扶蹙蹙觀
濤空自說汪洋梅花欲破自前鵬月色初浮一
榻香

張宗欽使君枉過值雪

袁生僵卧自沈淪一棹能回剡曲春村釀旋酌

隨意酌園蔬小摘見情親不緣五馬諳山徑那
得雙龍合劔津午夜絳河開霽色懸看紫氣入
丹宸

使君有和章復理前韻

雪滿山城快隱淪郢歌一曲倍生春林疑中散
人稀到榻下南洲意自親玉篆階前看鳥跡斗
光夜半動龍津不知何處甘棠樹露冕遙迎出
紫宸

池光雪色對清淪別是山家二月春
駉茗傾壺寒力減敲詩剪燭夜堂親
寧帷風動看行縣曳杖雲流試問津
此去漢廷推第一好將眉事達楓宸

得謝靜齋學博潯陽之訊却寄

十五年前此地過緣君猶憶舊時歌
柴桑栗里停雲遠桃李門牆入夢多
廬嶽春風浮絳帳湓城夜月照青蘿
定知輟講尋蓮社三咲堂深綠

幔坡

叔華涵虛樓賞牡丹戲為艷歌

綠雲翠黛倚朝陽
膩粉輕紅靚晚粧
覽鏡橫波先得月
凭闌解佩細含香
瑤臺却訝逢仙子
侍史翻疑直玉堂
把酒問花花解語
春光流轉莫停觴

末章

水檻花枝對月明
高樓歌舞動山城
不緣紅紫

憐春色已厭繁華近世情棣萼自今傳勝事洛
陽何用占芳名醉來清賞唯詩興尊酒頻傾十
韻成

謚國範明府芝吉壯上過別信宿

夜來乘醉還開局明月空階露氣清遙望薊門
憐鴈影喜看秋色運鵬程百年世路餘雙鬢廿
載交情對短檠壯斗橫斜鳩鵲觀五雲縹緲鳳
皇城

次荅張惟寅來韻

開緘聊為報新詩秋色林臯澹碧池叢桂山中
堪咲傲冥鴻天際日追隨酒醒竹牖風清浚夢
曉松蘿露白疇疋馬短衣看射虎婆婆休問漢
官儀

誕孫九日舉湯餅會諸公畢集志喜

再誕孫枝客滿堂又生政喜遇重陽蘭湯試浴
啼聲壯菊徑開尊老態狂襍座高歌闌鼓吹深

宵涼色汎蒼茫風流不滅龍山會豪飲還誰賦
弄璋

采菊泉籬曳履遲添丁忽喜動揚眉占星箸膝

虛宅日雍樹含飴政此時病骨自憐三疏草

時有

新命 疏辭 醉歌長擬八仙詩故山尚有登臨約手放

雙筇倒接羅

三建諸子
訂約登高

庚寅韓憲幕集池顧余山中辛卯余北上

又同李司馬中丞姜給舍明府畱飲龍

津信宿去今忽十年矣再枉惠臨感念
今昔賦此見情

山中湖上兩相過十載空餘短髻皤紫氣遙茫
關尹度削纜今奈故人何細論往事揮盃酒却
憶當年發浩歌握手不堪歸棹速丹楓搖落莫
雲多

張青徠使君入賀便還在過賦贈

昨宵風雨振山濤起視霜天曙旭高寒谷生春

回繡錦衡門凍暖剪蓬蒿向來尊酒存三徑別
後交情見二毛方岳遍遊還聽履嵩呼兩度賜
宮袍

二月廿一日有事碧雲鄒文山諸親叔華
兄弟汝敬汝賢諸姪集餞

厭浥初經曉露涼碧雲遙合動蒼茫交遊盡倒
朋尊興川嶽爭生祖道光却笑東山成小草那
知北闕賦長楊醉歸綠野憐芳徑賸有清歌駐

夕陽

三月十三日宿南康望匡廬

幾年不見廬山面此日重來隔暮雲豈謂黃昏
過巖子羞將白髮對匡君舊題歲月莓苔長轉
盼江湖只尺分夢到香爐看瀑布為言麋鹿豈
離群

四月七日發番都郭美命陳淳甫張大來
載酒泛舟擬至燕磯酌別午後為石尤

所滯至則已莫不能登矣遂別去次早
獨步感懷諸君

昨宵沉月到磯頭拂曙登臨憶舊遊萬古金陵
留王氣千秋鐵鑊鎮神州蛟龍不動波濤靜江
漢長懸日夜流指顧五雲深縹緲空懷擊楫浪
沉浮

十四夜飲清江浦周子成公署子成時督
造舟之役譚及時事云

二十餘年幾別離相逢尊酒盡襟期風塵却愧
南州榻淮海猶傳水部詩就月花陰移漏永占
星歌管度雲遲含香舊有明光草政爾褰裳利
涉時

五月望天津對月

三月望次小派四月望
次清河皆不及此夜月

扁舟三度月華圓此夕清光倍覺妍潮湧驪珠
來海上槎浮銀漢到天邊樓舫影落鯨鮑遯城
析聲高象緯懸却憶舊遊風景在應疑鶴髮咲

婵娟

行路

不厭粗絺五月寒
盈盈一水望長安
推移三老空勞力
飄泊孤舟強對餐
便欲揚帆旋淺瀨
纔教挨柁激洄湍
周南莫道多留滯
只尺猶憐行路難

長至卧病書懷

不才多病負明時
褊性偏憐老態癡
雲物欲書

空咄咄葭灰細候故遲遲星壇月冷天心迥霜
角風高朔氣悲何處冥鴻驚伏枕滄洲回首重
相思

詔詰百官引謝病不能赴

時王都諫違訊
詔欲

天街莽莽翳晨光伏謁千官底許忙 聖主自
知無袞闕群僚何事累封章引裾折檻非今日
仗馬寒蟬媿夕郎漢祖計安劉社稷期期還
吠
逐周昌

用韞馮少宰壽不及稱觴口占代祝

芝君弱冠試南宮
番滯十今白髮翁
却喜黑頭登少宰
竚看黃閣列三公
人情早已宗名下
物色何須肖夢中
本意重來沽壽酒
倦遊依舊歎飛蓬

曾道前身宋魏公
共推疏議陸宣同
抗言幾見匡時略
執政應圖定策功
自是岱宗雄北海
更瞻維嶽咏高崧
稱觴歲歲陽先至
大地春回紫

禁中

劉柱峰先生暨配章淑人雙壽

復齋少宰
尊人

曾携瀛海慶長春海屋重瞻紫氣新東望扶桑
連寶婺西傳瑤圃接靈椿鸞箋疊迓殊恩重鶴
髮交看舉案親歡動金沙聲滿耳共稱大覺是

前身

據云先生居金沙
人皆以佛稱之

宮錦新裁彩服歡尚方分饌薦春盤金仙世界
環銀海玉樹庭階蔭瑞蘭幾見蟠菴三結實同

養靈藥九還丹望雲遙寄南陔曲當宁虛懷眷
二難

辛丑承乏南宮知貢舉鎖院獨坐謔題

晝刻傳呼夜漏遲春光簾外信委蛇更無野色
能迷目賴有清尊獨舉卮燕坐渾忘身越俎素
餐空愧鬢垂絲東風不住吹噓力菴李欣欣各
自私

皇長子八日卜居新宮

皇上賜名迎喜恩愛隆萬志慶

遙傳仙樂自天來為報龍樓特地開
宸翰新

題迎喜榜 慈闈歡一萬年孟漢廷羽翼成何

事 聖主儀章總獨裁問寢鷄鳴看海日重輪

紫氣統蓬萊

祠部黃思立予告暨寓城東同馮光祿汝

達張廷尉治禎携酒言別飲卧佛寺

載酒招提問別離涼生蘿薜雨雲垂
秋風先動

專鱸與夜月休
唵蟋蟀詩世路自催雙鬢短
江天遙引片帆
蓬獨憐松菊荒
三徑何事羈棲戀
一枝

少宰掌詹劉復齋得 旨省覲

溫室從容疏起居
當年赫草著潛虛
萊庭只尺懸瞻戀
此日承恩賦遂初
負弩不須誇駟馬
稱觴獨喜御雙輿
更看海鶴將雛舞
春滿蒼瀛入直廬

送象乾南還

隔歲扁舟共壯征南鴻無那促歸程身羈萬里
仍為客日斷千山此送行把酒覓消砧杵月絨
書夢繞薜蘿城故園舊侶如相訊為報花前待
解醒

揚公亮入慶別廿二年矣感懷

二十餘年一夢間相逢驚看鬢毛斑酒壚舊侶
今存幾燕市狂歌興未慳鴻鴈天空秋黯澹燕

葭露白水潺湲延津風雨何時動會見鷗鵬海上還

送李仲仁憲副之秦

驄馬行行此向秦曾回雲夢萬家春五千言豈
青牛度百二關迎紫氣新星曉烏臺懸象魏秋
高鴈塞淨風塵察眉入對蒼生問杼柚勞歌次
弟陳

送水部周子成年丈使洛取道還里時河

决洛中南浸鬻泗而徐邳淤闕周夫昔
督造清浦故云

洛泗遙傳瓠子歌
菴花莫遣汎滂沱
向來借箸
籌清浦
此去褰帷遡濁河
開濟頻年祇障葦
䟽排何策定恬波
不堪折柳春初霽
慷慨尊前意
氣多

大參唐宗堯備兵青州索詩賦贈

青齊十二舊稱雄
海岱今餘大國風
帶甲一呼

爭擊鼓後車試問有非熊却疑蜃市歸錢府誰
拍琅琊對雪宮四顧中原空楫擊寒帷此去避
行驄

孝友堂為顧靜甫太學題

幾度扁舟潞水灣當年菜綵尚凋殘循陔正喜
遵南渚采芑何須咏北山蘭桂森芝荆樹合鶴
鴒遙傍海鷗閒漢廷孝弟推高第晉書顧綬光搖伯

仲間